

明詩別裁集

掃葉山房  
石印

10

11

12

13

14

15

16

17

18

19

清詩別裁集卷十五

禮部尚書臣沈德潛纂評

吳

雯字天章山西蒲州人應博學鴻詞不遇著有蓮洋集○徵君詩清挺生新趙秋谷宮贊謂千頃之波不可清濁天安國色粗服亂頭亦佳恰稱其詩

量之分

遙題王咸中石鵑山房

積水浮九州。東南益蕩瀟。人家半洲島。蘿篠互蒙密。具區我舊遊。石鳴君棲逸。至今堯峰上。猶上堯時日。窓外一湖明。階前眾山出。春風散巖花。細雨溜崖密。仙靈每來往。真儒閑儔匹。表聖具生壙。維摩得丈室。泉聲四回抱。嶺勢百萃律。何日復贏糧。為君訪衡泌。堯峯十字新城尚書以此賞識

黃湄先生游太華山遂得結屋地賦贈

車箱谷口雲。白照松間路。誰能訪叔鄉。巖竇一身體。黃門具奇情。振策御風步。萬仞入洪濛。理勝境無佈。壑轉晦明錯。樹老丹青誤。俯見蒼蒼原。明河正東注。驟雨忽翻瀑。肘腋蛟螭怒。須臾巨長虹。闕陝半呈露。徑側修竹倒。石迸垂藤護。相逢紫烟客。目擊道皆遇。齋房肉芝香。石圀松花聚。卜居志已得。探幽坐成趣。嗟我生勞勞。人世每多懼。夢繫毛女壇。身遠將軍樹。日月對晴蓮。塵容自生妬。如何年便結鄰。同住雲生處。

十字奇警寫長虹從未到此

羊山

落日山風吹。長松亂清影。白雲透殘雪。忽見前峯暝。野鳥下寒竹。孤僧汲修綆。聊欲遂幽尋。理策度西嶺。左

雜詠

樓居有何好。仙人苦留戀。金銀雜玉階。終是世俗見。五頭與士壟。遠者兩不羨。富貴不可求。况復貧與賤。嗟我果何從。一愚了千萬。即韓子歸愚識夷途意寫來生辣

次青縣題壁

去年九月長安來。鯉魚風起船旗開。本年三月舊山去。馬上綠楊掠飛絮。舊山風景復何如。昨日家人有報書。富門萬里崑崙水。千點桃花尺半魚。

憶棲巖寺

最憶棲巖寺。招涼有舊亭。河流週郡白。山勢入闕青。崖斷峰留密。松高鶴隊翎。盧師吾有約。許共一函經。新城欲以山人百變青句敵之

望華山

蓮花五千仞。靈孕自洪濛。每變風雲色。能參造化功。陰將連太白。氣自滿闕中。欲問

真源在仙人住藥宮。氣自滿關中  
五字千古

雲中寺

天半雲中寺。四山皆白雲。我來雲際宿。卻憶雲中君。塔影當晴出。濤聲入夜聞。此中  
有猿鶴。莫勒北山文。起四語盛唐人  
有此種風骨

寄向書友

曾聞向始平。能注南華經。之子真苗裔。江山發性靈。寒蛟終謝餌。老鶴不梳翎。載酒  
鶯花節。長吟入洞庭。

古意東徐勝力

美人艷南國。顏色如朝霞。昨來耶溪上。妬殺芙蓉花。秦珠隨月滿。越練逐風斜。獨慕  
孤高義。今年尚浣紗。白太

宿吳山寺樓簡嚴灝亭先生

蕭蕭暮雨急。寒榻獨倚高樓少。四鄰江上龜鼉悲。鼓角下方燈火散。星辰梅花何處  
三更笛。寒食無家萬里人。不是相逢嚴僕射。天涯誰念艸堂貧。一句含三層意從萬  
里悲秋長作客一聯

出悟

明妃

不把黃金買畫工。進身羞與自媒同。始知絕代佳人意。即有千秋國士風。環珮幾曾歸夜月。琵琶惟許託賓鴻。天心特為留青塚。春草年年似漢宮。平明妃并寫懷抱。脫前人束縛為妙。

吳門初春

聞道江干水漸消。眼看芳草坐無聊。酒杯總使愁中得。春色終難客裏銷。山鳥漫吟泥滑滑。吳娘偏唱雨瀟瀟。歸時借問金陵路。桃葉新添幾尺潮。鮑

齋居

瓢落何須慮大樽。蕭然無客款柴門。春秋未習嚴彭祖。紀傳常輕褚少孫。下澤幾曾驅款段。長河終溯崑崙。雷聲太白連朝急。次第牆東過雨痕。

文中子舊居

汾水湯湯繞舊居。白牛溪畔雁飛初。早知道不關窮達應悔。金門輕上書。上書於隋文非其時

也如此持論文  
中亦應首肯

題雲林秋山圖為查德尹

經營慘淡意如何。渺渺秋山遠遠波。豈但穠華謝桃李。空林黃葉亦無多。石田翁做  
雲林畫其

師杜瓊從旁觀之曰又過矣又  
過矣解得此意方知此詩之妙

贈少年

二十年少望麟閣。盤馬彎弓氣磅礴。眼前都尉知是誰。雲中但看雙鷗落。

戲贈李武曾

沉醉東風盧女絃。泥人佳句滿題箋。預愁長夜無春色。偏種桃花作墓田。  
猶有未忘  
生死者在

馮 樾 字个臣江  
南松江人

過陳留

天邊鷓鴣影客心傷。落日驅車過外黃。誰具草蔬邀邠秦。自慙名姓賞中郎。巴河風起  
荒烟黑。博浪雲開遠樹蒼。明發梁園舊遊地。十年潦倒愧行藏。  
典切處有  
自己身分

楊 岱 字東子四  
川彭縣人

棧道

鳥道與天齊。盤雲出壑低。層巒飛瀑下。空木亂猿啼。山勢危巴郡。邊聲隔隴西。可憐

存輦路。烟雨草凄凄。  
起步有  
聲有勢

夜泊

夜船將泊棹歌齊。芳草凄凄野路迷。只有斷猿無宿處。最高枝上徹明啼。

劉叔頤 字百年湖  
廣麻城人

四時詞

雲母空窓曉烟薄。溫庭池邊雨過飄帷幕。日長風暖柳青青。寶銀線千條度虛閣。  
韓捲簾巢燕羨雙飛。羅芳草王孫歸不歸。韋曾寄錦書無限意。麝篋香消盡別時衣。

錢  
午睡醒來愁未醒。張子煩襟乍觸水臺冷。韓白蓮池畔送清香。做日樓角漸移當路  
影。白居易臨風興歎落花頻。又喜幽亭蕙草新。杜永日迢迢無一事。韋雙雙鬪雀  
動階塵。玩

水映輕苔猶隱綠。馬懷素夜窓颯颯搖寒竹。劉井邊疎影落高梧。隱羅烏啄風箏碎珠玉。  
禠覺來紅樹背銀屏。韋露濕叢蘭月滿庭。孫扁閉朱門人不到。機玄輕羅小扇撲流

螢杜

城上暮雲凝鼓角。許孤表不煖錦衾薄。岑樓寒院冷接平明。李商簷外霜花染羅幕。

陸龜煙生密竹早歸鴉。元即士向鏡輕勻襯臉霞。韓遲日未能消野雪。皇甫故穿庭樹  
作飛花。韓愈音節悠揚無集句痕迹與

贈宋牧仲方伯

曾入甘泉侍武皇。李暫隨紅旆佐藩方。韋長承密旨歸家少。王出使星軺滿路光。  
錢  
謀畧久參花府盛。韋風流三接令公香。李共言東閣招賢地。孫肯為詩篇問楚狂。



賀周

邵長蘅

字子湘江南武進人十歲補弟子員後為奏銷案絃誤以山人終其身著

嘗選有明何信陽李北地王弇州李滄溟四家之詩橋錢收齊持論偏駁而以程孟陽詩為纖挑識者題之晚歲入宋商邱中丞幕府乃變蘇黃茫陸之旅亦宋詩中橋者然視從前如二手矣茲所存者皆青門麓稿旅稿中作賸稿中祇畧采云

經彭蠡湖口望廬山

晨帆發馬當。景昊停湖漚。北渚搖清陰。南灣走蒼靄。迴眺極芊緜。群山爭瑣碎。蒼然雲霧中。拔起匡嶽大。絳氣天闕縈。白雲山腰會。遠岑抱積雪。近巖屯靄靄。倒景澄湖光。飛瀑濕天外。延佇情彌結。攀躋阻莫遂。五老空烟霞。九疊竟茫昧。慚愧夙心乖。臨風一長嘅。連下潯陽舟中作胎源小謝

潯陽舟中作

羈心零雨悲。水宿風潮倦。茲晨廓澄霽。沿流愜佳玩。綠英媚芳洲。雜花覆春岫。青天鏡中流。浴鳥沙際亂。落日碎江光。林巒采餘絢。靡靡遠烟生。霏霏夕暉眩。蒼然望廬山。山靄且暮變。絳霞晨干霄。嵐氣夕暮歟。近巒或浮黛。遠瀑如縈練。賞奇得新歡。覽物有餘戀。山水憺娛人。客懷為一遣。

雜詩

撫劍忽不懌。去上歌風臺。河流日夕迅。莽莽寒雲積。帳殿下牛羊。翬翬空蒿萊。極目見芒碭。古人骨已灰。蕭曹自刀筆。樊灌奮駑駘。歎起附龍鳳。英風被八垓。途窮蹶駿足。運適伸庸材。擾擾路旁子。疇知哀所哀。起勢慷慨途窮二語括盡揚子解嘲中後一段意

漁父

東湖有漁父。艇倚清溪瀨。垂竿秋雨中。擢歌夕陽外。九月蘆花白。西風鯉魚大。釣亦未必得。得亦未必賣。扣之默無言。鼓柁悠然邁。覺非夷非惠聊以忘憂猶不免自道身分此更超然

熊經畧

經畧用遼瀋完。經畧罷遼瀋殘。再起田間賜劍印。經撫日戰元黃分。六萬蕩平竟何有。撫臣半載經主守。一夜廣寧風鶴驚。撫臣先走經亦走。撫臣庸愚何足齒。奈何經略也。惜死若使慷慨提孤軍。堵柱殘疆報天子。縱然馬革裹尸還九尺。昂藏一男子。奈何經畧也。惜死不死西曹死西市。九邊傳首魂有知。目炯電光血裂皆。經畧之誤在廣寧之

走其實經理遼瀋具有將畧不應與王化貞同罪也傳首九邊群姦借經畧以殺揚左諸公耳天下寃之一結凜凜有生氣

周將軍

欖槍狂驅萬鞮翁。橫嚼九州無完土。邱成血骨孟城池。所過堅城孰抗拒。寧武一城如彈丸。誰與守者周將軍。將軍票鷁健絕倫。生駒攬陣刀截雲。見賊如蝟身逾輕。手

挈。弱。體。為。袍。腥。力。竭。罵。賊。血。噉。齧。旗。竿。矢。集。怒。益。震。閨。中。紅。顏。能。殺。賊。十。發。十。殪。無。虛。鏑。崑。山。火。燄。紅。玉。燕。天。壤。寥。寥。兩。全。節。大。同。宣。府。真。奴。儕。兩。鎮。降。書。同。日。來。長。驅。京。闕。疾。於。矢。賊。談。寧。武。猶。咋。指。列。鎮。盡。如。周。將。軍。我。輩。那。能。飛。至。此。血。戰。通。寧。武。將。軍。賊。七。晝。夜。卷。戰。死。夫。人。劉。善。射。發。一。矢。輒。斃。一。賊。城。陷。闔。門。自。焚。未。即。用。流。賊。語。作。結。健。悍。有。力。姜。瓌。王。承。蔭。之。迎。降。也。詳。見。後。李。玉。洲。太。史。詩。中。

解仲長畫十八學士圖歌

秦王蚪髯一尺鐵。提槩親擲中原血。畫開天策群龍趨。諸公袞袞皆英傑。當時立本傳畫圖。千載想像猶能識。我家此障解翁筆。宣和院體工設色。臺榭渲染輝丹青。宮殿玲瓏麗金碧。頗工人物良苦思。舊本摹拓開鬚眉。宮袍緋紫雜青綠。腰帶捷尾紛悅垂。髣髴銅龍散講後。晝遲行樂分曹偶。房公微笑杜公坐。投壺散帙無不有。就中一人落筆酣。細看恐是虞世南。其餘學士貌各異。峩峨列坐彰華禧。即論畫馬亦殊絕。奚駒十八森成列。銀鞍金鉞暗高纏。三匹翹足五匹齧。太液淡淡春風波。黃鬚奚官白鬪鞞。牽來十匹池上浴。丹彤剪刷噴桃花。可憐人馬爭輝寵。憑軒坐久神逾竦。憶昔風塵際會初。君臣契合水與魚。功成開府迨清暇。春容翰墨非荒娛。只今朝野仍艱虞。時危整頓英雄需。撫圖懷古心。鬱紆書生。豈有封侯。顧慷慨擊碎玉唾壺。高吟梁父浮雲徂。十八人豈能悉數。點房林虞三人其餘。虛筆該之。可悟繁簡虛實之法也。

五人墓行

春光澹。池山塘路。遊絲晴絮。嬌芳樹。路旁剝落三尺碑。云是前朝五人墓。借問五人誰。中間哭兀顏佩章。東西四塚排纍纍。墓門畫鎖松風迴。書生曾讀前朝史。依稀能說前朝事。天啟年間歲在寅。緹騎四出驚狂獺。此時一舸飛吳閫。蜀鞞繡襖來昂藏。吏部短衣出就逮。自注周忠介順昌觀者擁塞如堵牆。轟薨萬口那可辨。哭聲震天日色黃。五人大呼奮臂起。形勢歟忽。鼉羹蟾誰何。一枝先橫屍。中丞卻避御史忙。詔收棄市罪激變。至今死骨傳芬芳。憶昔逆閹恣塗炭。鏃斧銅鑿衣冠殃。諸公駢首填牢戶。東林首指左與楊。篋輿就考備五毒。尸蟲噬肌不得葬。叶茲委鬼更灼蕪天燄。穹祠金榜蛟龍翔。鳳闕敢儼至尊埒。龜趺忍立成均旁。往往蒿呼九千歲。冕旒衣玉爭輝煌。寧知勢歇頓翻覆。阜成自絕閹奴吭。生祠處處毀斥盡。木石估值充邊防。豈惟閹祠旋毀撤。廿年變故那能說。鼎湖鳧雁飛滿天。鍾山天壽狐狸穴。玉匣珠襦夜不扁。皇陵白骨愁冬青。眼前寂寞一抔土。參天檜柏蒼蚪鱗。年年寒食山橋畔。指點飛花說五人。順叙魏奄之流毒勢便平直此從繫經野後用憶昔二字追叙自得順逆之坐之法未幅蒼涼激壯一往神來

沛縣官舍留別楊簡庵表兄

我騎白龜浮江來。連濤倒蹴羣山開。黃河咆哮黑浪惡。一月始及歌風臺。骨肉五年

不相見。風塵歎觀吾兄面。我昔弱齡今有鬚。君亦蹉跎四十餘。薄宦千里不快意。一官仍擁青氈居。感君意氣與君好。流連累月開懷抱。夜飲酣呼玉屈卮。晝遊連騎金腰褭。高秋九月天氣涼。呂母塚上塵沙黃。出騎快馬風比捷。從少年輩逐兩鷹。弓弦拓作礮礮響。鵝鷓飛去噉空桑。割鮮野飲氣益壯。肯作新婦車中藏。歸去歡宴不知夕。羌樂琵琶鼓箏笛。明河欲投斗西斜。主人稱壽客離席。吁嗟遊子如轉蓬。作客未幾行窮冬。忽憶故鄉行樂好。黃鷄正肥新籊紅。明日驪駒更東首。馬上別君但揮手。北風感發短後衣。蕭條中野行人稀。廣陵驛前暮潮落。京峴山頭雪片飛。河水遙遙接江水。別淚與之誰是非。超然而入中射獵一段。排宕飛揚神似太白。

雪後登滕王閣放歌

我携鐵篋羅浮回。豫章城頭吹落梅。羅浮仙人太狡獪。蜚廉滕六拱呵搗。亂洒梅花偏原濕。千峯一夜爭皚皚。曉披白鶴氅。獨上滕王閣。九疊屏風失青翠。瓊樓十二垂珠箔。長江瀟森迷孤蓬。漁舟藏浦高桅泊。團團萬頃水晶盤。一片寒光罨寥廓。初疑海上浮神仙。蓬壺縹緲不可攀。其物禽獸皆白色。灑注調卦銀為宮闕虛無間。又疑誤誇玉虹八月府。玉靛抱杵凍不舉。霓裳對對舞仙姝。清虛高處寒如許。回頭堦堦堆瓌瑋。簷水拄地鐸鈴語。鱗鱗萬瓦溼烟浮。旋覺此身尚塵土。忽憶滕閣今千年。滕

王蛺蝶隨荒烟。子安退之骨已朽。何況珠簾歌舞當時妍。惟有西山只如舊。此中棲  
隱多神仙。洪崖丹竈流銀汞。蕭史茅龍耕石田。我欲左携葛勾漏。右挽梅子真。徑呼  
玉蚪騎上天。雲中縞鶴紛翩躚。或言神仙之說竟茫昧。且飲美酒醅朱顏。向晚江山  
轉清絕。逸興擎雲坐超忽。夜深蹋雪還上來。揮手寒窓招海月。汪洋渾涵千變萬狀極才人之能事

江急

江急雨冥冥。江豚吹浪腥。濤奔遠岸白。峰逐去帆青。野戍春低樹。灘舟火聚星。長年  
趁風便。向晚更揚舲。

九江

吳楚一江共。波濤九派分。湖光寒自白。廬嶽曉常雲。虎鬪荒村跡。猿啼落日聞。琵琶  
亭廢久。楓葉正紛紛。

哭亡兒士驤

遺編繡不忍。轉憶課經時。過愛翻成薄。求全屢受咎。一燈寒夜影。十載膝前兒。辛苦  
成何事。酸心我不慈。即鞭撲過多憐較少意一經烹鍊便覺不凡

盥櫛經旬嬾。衣衫清淚痕。伶俜餘此日。門戶且誰論。痛我無兄弟。憐渠是冢孫。昨朝  
寒食真。隻立黯銷魂。直白語悲痛彌深一結即柳州寄許孟容書中顧盼無後繼者意

登歌風臺懷古

亡。碣。真。人。乘。赤。龍。故。鄉。行。幸。有。遺。宮。辟。埋。蚪。蚪。荒。碑。在。木。落。牛。羊。寢。殿。空。湯。沐。百。年。歡。父。老。衣。冠。十。日。擁。兒。童。淮。陰。已。族。黥。彭。醢。慷。慨。何。須。悲。大。風。  
歌風時韓彭黥俱已族矣思猛士何心耶

望鍾山

陪。京。堆。堞。迴。蒼。然。重。憶。高。皇。逐。鹿。年。汗。馬。北。騰。穿。碣。石。長。虹。南。倚。劃。吳。天。鼎。湖。龍。去。離。宮。鎖。復。道。花。繁。紫。禁。偏。悵。望。寢。園。今。寂。寞。牧。人。秋。卧。孝。陵。烟。

登吳城望湖亭

鄱。湖。湖。合。贛。江。流。倚。檻。江。南。望。轉。幽。湖。勢。北。搖。匡。嶽。動。江。聲。西。擁。豫。章。浮。魚。龍。晝。嘯。千。艘。雨。日。月。晴。懸。一。鏡。秋。回。首。戰。爭。曾。此。地。荻。花。蕭。瑟。隱。漁。舟。

題真渭公所藏楊忠愍梅花詩卷

渭。公。大。父。梅。軒。故。官。比。部。郎。忠。愍。頌。繫。時。先。生。傾。身。橐。餽。忠。愍。高。其。詣。為。作。此。卷。同。時。周。旋。詔。獄。霸。州。王。繼。津。太。倉。王。元。美。及。應。生。最。著。先。生。事。世。鮮。知。者。康。熙。丙。辰。渭。公。來。吳。閩。出。卷。示。余。蓋。百。二。十。餘。年。物。矣。展。卷。肅。然。敬。題。其。後。

黯。淡。綉。緜。墨。影。寒。那。能。展。卷。不。沈。瀾。當。關。虎。豹。麋。軀。易。畏。路。風。波。仗。友。難。濺。血。九。原。

仍化碧。批鱗一疏獨留丹。文山詩句眉山筆。古瘦清香再拜看。自注忠愍有古瘦清香原太始之句○重

忠愍及周旋詔嶽盡梅意只用一點已足

登太湖西峰

山色蒼蒼積翠迴。沿緣仄徑入莓苔。嶺邊風葉藏僧寺。樹杪飛泉灑客杯。清磬一聲松子落。白雲萬頃太湖來。三高惆悵俱陳蹟。落日山空樵唱回。

張宮字處中江南華亭人

飲沈鷺生池館

嘉樹俯城陰。居然爽氣深。非秋常落葉。不夜有歸禽。邱壑容芝草。冰霜耐竹林。主人山水志。誰與共清音。

送李素心之岳陽

畫舫中流芳草齊。臨風張樂洞庭西。從官諭蜀通三峽。大將平蠻下五溪。衡嶽雲開鴻雁度。巴陵月落鷓鴣啼。好憑羽扇成雄鎮。荒服于今靖鼓鼙。初平三楚之後故有鎮驥

陸次雲字雲士浙江錢塘人官江陰知縣著有登江集○雲士詩本真性情出之故詩句語多沉着而所選詩句轉在宋元以之怡情不以之為宗法也

雜感

雷霆能擊人。獨畏操莽威。鬼神能福人。獨於孔孟遺。今古無鑿戒。禍亂相乘除。問天



天不言。屈平空著書。四十字中可

北地每苦寒。狐貉出天山。南地每苦熱。絺葛生於越。人之所欲須。天意預為設。大哉

造化功。於世何所闕。天道自然君子亦

芝蘭出穢壤。芙蓉生淤泥。賦性自芳潔。於此徵神奇。君子處濁世。師惠以全夷。何必

登首陽。高歌懷采薇。見皦皦易汗堯堯易缺也師惠全夷指出持身處世之道

出門

堂上有慈親。身外無昆季。承歡賴妻賢。委之以為弟。弱女方四齡。初知離別意。恐其

牽袂啼。深傷遊子緒。乘彼睡未醒。温存加絮被。拜母不能言。揖妻交重寄。此際心若

摧出門方隕涕。字字真至出門方隕涕前人未經道過

回首望家山。漸遠山漸低。側聽岸旁語。鄉音已漸移。放舟入大河。烟水無端倪。偶逢

相識人。遙呼心依依。無如交行舟。倏忽已遠離。

泛洞庭湖

大浸數五湖。莫大於洞庭。時當春夏交。雪蝸水氣蒸。仰視但有天。與波同一青。茫茫

六合中。不見大塊形。三老弄洪濤。澎湃意所輕。至此乃敬慎。風正始揚舲。同舟色俱

靜。半帆容與行。此中有楠木。千載成英靈。出沒每不時。異響令人驚。舟婦散紙錢。徐

徐乃就平。死生呼吸間。宴坐猶兢兢。吁嗟縹緲中。難測鬼神情。或問傳書事。心知不

敢應。是賦洞庭別於賦海楠木數言寫來便覺惚忽變幻疑鬼疑神

君馬黃

君馬黃。臣馬白。君執珪。臣執璧。君意皇。皇臣翼翼。四海會同來有繹。和在鑣。鸞在軾。驕驕八駿不齊色。馳驅不向崑崙陟。馬之良。良以德。

誌感

人生當貴顯。每淡布衣交。誰肯居臺閣。猶能念草茅。朱輪來北闕。土室訪西郊。古道今還在。淳風近有巢。

登岱

得過三觀下。因上岱宗巔。海吸長河遠。天包大地圓。五更先見日。九點半升烟。孰謂方隅廣。廻環睥睨前。天包大地圓形天地之全也五字極寫岱宗之高

白溝河

道出白溝河。沉吟喚奈何。古今陵谷變。高下戰場多。厲鬼依殘骨。畊人拾斷戈。烽烟嗟又甚。搔首一悲歌。

五溪雜詠

崎嶇幽谷裏。盡是碧雲阿。祖每尊盤飧。祠皆祀伏波。峒民參漢俗。溪女唱苗歌。漑種  
漁樵暇。悠然卧薜蘿。  
挂帆將匝月。猶在亂流中。野豕能飛箭。江豚善拜風。安危憑激浪。行止信孤蓬。影落  
南天外。飄零望斷鴻。

天下大師墓

水闕西出隱浮屠。燕子飛來半月孤。病虎無心看北固。潛龍有恨遜南都。十三陵外  
餘抔土。二百年來失鼎湖。一自桑田成海後。總啼鴉血洒平蕪。  
天下大師係元僧人  
墓建文無出亡之事

前人辨之詳矣此仍舊說而賦之○病虎  
謂道行也道行有北固青青眼倦看句

疑塚

疑塚纍纍漳水頭。如山七十二高邱。正平只有墳三尺。千古安眠鸚鵡洲。  
人為文  
人吐氣

詠史

儒冠儒服委邱墟。文采風流化土苴。尚有陸生坑不盡。留他馬上說詩書。

題荆山石壁

寄語山靈聽嘯歌。連城再別歎如何。人間碧眼應難遇。莫產瓊瑤誤卞和。  
能言絕每  
鳴去

鳴去

章靜宜字相御江南長洲人諸生○湘御為素文鶴書之弟九儀之兄四先生並擅才華名滿大江南北間湘御尤工于詩近人少有知者  
擬劉太尉傷亂

宗社親厄運。夷夏亂皇綱。神州盡糾紛。腥羶逼晉陽。余本炎精裔。投職事危疆。思將南山石一補。天柱荒妖氛。煽四野。中道罹崑崗。上懸楚包胥。請師救國殃。下愧漢竇。蝓保境拒強梁。遺軌寧不仰。微志竟莫償。身同南冠囚。撫膺涕泗滂。心如高懸旌。因風尚飛揚。吹篳棲我懷。鳴笳斷我腸。孝行既已虧。忠名徒自傷。功勛付逝水。意氣亦何常。寫出越石心事詩格亦幾如唐臨晉帖

汴梁行

汴州城內風鶴驚。汴州城外連軍營。一夜金隄雷電起。千年五殿波濤聲。大梁自古繁華地。三市風光最明麗。西連伊闕作屏藩。北控成臯如帶礪。高帝當年闢草萊。分封萬騎自天來。蘭窓仍起飛雲殿。樹寢還通造字臺。子孫奕祀承青社。議親常得君王赦。傳來樂府勝河間。製就新聲誇鄴下。東風十里覆長堤。萬樹千條各向西。珠履盡知公子客。寶釵時見舍人妻。金梁明月空中度。玉津芳草迷歸路。園內雙雙蛺蝶飛。橋邊隊隊驂駟駐。雙雙隊隊更如何。紫陌朱城拂逝波。自言百歲來歌舞。自謂三時競綺羅。綺羅歌舞無窮極。炎天烽火嗟何及。北地誰知青犢鳴。東門忽見黃蛇入。

飄零堆堞少人行。牙旗大纛自縱橫。波翻夏后前朝廟。潮打梁王舊日城。故侯冷落悲徒步。新鬼荒荒泣烟霧。鶴雀高樓教氏倉。鴛鴦虛抱相思樹。至今榛棘尚成行。落日寒沙古戰場。無忌已知新去魏。相如不復遠遊梁。遊人對此空嗟悼。胡笳蘆管聲中老。牧馬常過屠肆旁。射鵬每向羹山道。淒涼今古不須哀。極目秋風萬里開。試向東都更長眺。銅駝金谷半荒垓。此感流寇決河灌城而作也。前寫汴梁時之盛。後形汴梁之衰。婉轉悠揚。初唐風調。

晚泊京口

舟行易日暮。旅泊背孤城。酒力當秋勝。鄉心逐夜生。人煙都會地。風雨大江聲。明發空南望。蒼然北固橫。

夏日雜感

蕪城柳色綠成陰。詔遣賢王羽騎臨。風急雙鷗辭塞口。天清萬馬浴江心。虛傳此地繁華久。誰念當年戰伐深。歌吹竹西如尚在。休教笳管漫相驚。

金陵

鷄鳴山上滿青莎。玄武湖邊空碧波。草滿故陵埋石馬。月明荒徑泣銅駝。六宮夜雨棠梨落。萬里秋江葦荻多。猶有南朝城堞在。景陽遺恨獨悲歌。聖祖南巡後修葺孝陵御書治隆唐

宋碑額非復向時園寢矣詩成于未巡幸時故有第三語

京口作

鐵甕城西鼓角催。扁舟遙自秣陵迴。天清瓜步中流見。風起長江動地來。楚蜀帆檣千里集。金陵山寺兩峯開。秋光潦倒南遊客。落日魚龍夜夜哀。

七律沉雄蒼老信陽北地之間○銀山俗

名對金山而言  
實即蒜山也

顧景星字黃公湖廣蘄州人著有白芣堂詩

題內府所藏唐人百馬卷子

開元廐馬四十萬。天寶從龍誰最健。夜譙火鼓延秋門。畫爭豆莖咸陽店。萬里橋頭百存一。騎去東宮還幾匹。當時芻秣盡凡才。急難何曾見騰逸。此圖蒲稍僅百馬。母乃樂坊教成者。細看不是臨陣姿。可惜登林汗流赭。黃衫奚官三五人。鏤花玉帶繡抹巾。羈前寶絡墜金鐸。覆以羅帕承錦茵。可憐賊破西京後。此馬全為承嗣有。鼓聲應節反見妖。血碎桃花死猶吼。圖藏內府已千年。相傳畫手南唐前。畫師有意惜奇駿。不遣驅馳供舞筵。君看老驥還遭放。儘有驂騑氣凋喪。首肯難逢大宛種。菴蓉屢濕邊庭瘴。假儻何須四百蹄。壯觀爭多真畫師。轉思腰裏不世出。天子獨乘何所之。

芻秣盡凡才二語比當時秦養庸流臨難退避如陳布烈張玠之輩而顏真卿之輩忠直不識為何如人也借題發揮真乃見作手

汪徵遠字扶晨江南嶺州人

天平砭入師子林

深松寒白石。僻路到人稀。仰見高峯頂。孤僧采藥歸。雲多從杖起。鳥不上山飛。薄暮一聲磬。猿公來款扉。向遊師子林。雲滿几席。半山即無鳥聲。讀此詩。知真寫得景出。

上蓮花菴

秋山鐘梵寂。蘿徑上崔嵬。意想不到處。峰巒忽盡開。石林平落葉。古壁滿荒苔。更羨孤雲逸。松巔自往來。頂有到者。方知豈有此理。題額三四語。即是此意。

坐狎浪閣

高閣臨溪水。薄暮軒窓開。不見庵中僧。微雨潭上來。不見庵中僧。二語主漁洋謂其不愧古人。

汪洪度字于鼎。江南歙縣人。諸生。著有餘事集。于鼎詩。漁洋定其全集。歌行中賞其建文鐘篇。云中有史筆。非苟作者。今集中不見此詩。甚為可惜也。

次街口

萬山落飛瀑。競向清溪會。濛洞穿松杉。葱蒨紛映帶。積石竦劍鋌。百里無靜瀨。篙師慣歌嘯。險絕了不礙。攢霄排巖巒。幽異比中最。轉惜嶮巖中。蒼黃出烟靄。漁火半明滅。海月上山背。家鄉送別人。已隔青峯外。遇險而驚。出險轉惜。無情人不知是語之妙。

七里瀨

日照丹霞西。雨來青嶂東。船頭氣澄碧。船尾陰溟濛。峰交路疑盡。溪迴趣無窮。渚清

水禽悅。徑碧巖花穠。東髮志沉冥。思躡客星踪。曩遊已十載。老大仍飄蓬。山頂石乳滴。服食使顏紅。丹梯不可上。神仙杳難逢。何日謝塵緣。烟波從釣翁。  
朝四語即所謂

其雨也。弔嚴陵意。只于隱躍見之。

藥菴大師 自注侍御熊公諱開元

九尺老比丘。骨立石崖松。楞伽把一卷。兀坐西南峰。舉頭近帝座。低頭晚寰中。批鱗丹陛前。驅鰐滄海東。昔懷寧易平。托鉢降毒龍。陽靈大地匿。雨雪春山空。樵徑白雲迷。何處尋孤踪。

蘆中美人 自注禮部郎王公諱泰徵

蘆中美人老。不復刺漁船。悲歌采薇蕨。歸卧西山巔。山路幸險巖。足音少人傳。氣衰筑難擊。不如弄雲烟。骨瘦薪難卧。不如枕清泉。清泉滌塵襟。雲烟幻眼前。憂思能傷人。誰禁遲暮年。

鼠渡江

江北鼠口銜尾。結伴成群。滿沙背飛塵。滿野烈日在天。江北農人憂心如煎。江南稻秧齊。沃土不須雨。同類渡江。適此樂土。楚豫稻梁堪足。天下今年不雨。春復夏。佑不開倉穀。添價鼠乎鼠乎。勿食禾黍。禾黍食盡。及爾同死。  
由江北而及江南兩地之禾同盡也。鼠俱餓死。其人可知。



矣此種詩從  
變雅中來

翁履冰

翁挈稚孫暮歸履冰上中流值冰裂落水死

東家粟紅。西家粲白。借貸空歸。羞見河伯。河伯羞尚可。一家待我舉烟火。河水生骨膠渡船。携孫偃僕行難前。誰知河心冰不堅。狐狸隔岸看墜水。枯桑撼撼酸風起。綏綏欲渡愁其尾。狐愁濡尾翁與孫尚能履耶愁慘之音幾不忍讀

紀歲珠

鄉鄰某娶婦甫一月。即行賈。婦刺繡易食。以其餘積。歲置一珠。用綵絲繫焉。

曰紀歲珠。夫歸婦沒已三載。啟篋得珠。已積二十餘顆矣。

鴛鴦鵝鵝。鳧雁鵲。柔羨慣繡。雙雙逐。幾度拋鍼。背人哭。一歲眼淚成。一珠莫愛珠。多眼易枯。小時繡得合歡被。線斷重緣結未解。珠纍纍。天涯歸未歸。老杜新婚別為王家守河陽也此為

行賈而別倘所云重利輕別離者耶結意不用說盡婉約可悲

懷黃扶孟

從來輕易水。誰不念荆軻。有客自驅馬。秋風正渡河。回頭山色遠。直北角聲多。日暮

思鄉井。踟躕發浩歌。憑空而下千鈞筆力

汪洋度字文治江南歙縣人

臂痛

那能扛筆氣如虹。自笑千鈞一握中。乍可偏枯猶半士。誰堪全折到三公。斜騫卻似垂翎鶴。孑立還疑欲瘁桐。天意佚吾吾正嬾。紙窓晏卧罷書空。大雅之音可配曹倦。圖贈徐子能跋足詩。

吳江舟夜

水驛迢遙望不分。愁心落葉共紛紛。扁舟一夜搖江月。入夢吳歌斷續聞。吳歌以吳

來獨切

清詩別裁集卷十五終

清詩別裁集卷十六

禮部尚書臣沈德潛纂評

彭始奮字中郎河南鄧州人

滇南

久客愁攀廢苑松。舉家天末盡相從。蠻兒乘象同牛馬。楚道看花無夏冬。近接漏天常作雨。倒流滇水不朝宗。獨期攬勝遐荒外。恨未曾登雞足峰。

寄隴西觀察趙韞退先生

新分采邑陝西偏。上奏仍屯塞下田。部傍先零羶作帳。道通西域雪為泉。陰山控馭六千里。河套因循三百年。會見殊勲陵海外。那煩班固勒燕然。

陶

字苦子廣東順德人。陶氏世襲錦衣。至苦子刻苦。如寒素肆力于詩。誓不讓才慧語。亦粵錚錚士也。詩無鑄本。被其感竊。為己作。恐久而混真。故明之。

古鏡

先秦遺篆在。想像出深宮。明月不生處。清光時與同。有形隨自應。無相本來空。白盡人間髮。全掃一照中。  
賦鏡者未曾道及第六句。可以証禪亦以明虛靈之體。仍儒家語也。

冬草

三徑經冬掩飄零對汝時未充君子珮徒結美人思世態看蓬轉孤心感髻絲平生抱微尚不與眾芳期借以自况非尋常著題體

送張超然

閩粵無多路思君見面難高文朋輩重落葉客程寒殘臘惠相訪素絲勞共彈重華不可作幽思更無端

望零丁洋寄懷友人

兩年九月此經過極目滄茫感逝波窮島漢槎無限路秋水未黍自成歌忠臣淚帶寒潮長楚客悲逢落葉多欲寄相思憑去雁故人歸夢香星河不信國孤忠懷及友人不拋擲零丁洋意

秋望

數聲離鴈下寒汀世事相看散野萍入水苦飽思共濟望秋蒲柳感先零憂心滿似將圓月旅鬢疎同避曉星獨潔糈糗候槎影美人空自隔滄溟有志濟時而撫躬已老豈尋常栖隱士耶

老杜有感於聖朝無棄物多病已成翁也

查容字翰荒浙江海寧人

送武曾之宣府

由拳城頭月華白張燈置酒宴征客由拳城外柳條青平明相送出津亭羨君意氣

真無比。此去幽州幾千里。攬轡遙看莫北雲。挂帆徑渡淮南水。大行山高日欲斜。邊風颯颯飛塵沙。候騎千屯吹箠策。明駝一隊奏琵琶。上谷使者與君厚。轅門揖客論故舊。伐鼓鳴笳部曲前。錦筵紅燭軍麾後。觥籌交錯坐忘疲。玉缸瀉酒醉難辭。壯士橫刀看草檄。美人挾瑟請題詩。丈夫三十猶未遇。走馬窮邊那復顧。野狐嶺下白草枯。卧龍岡上黃雲暮。客中行樂不知年。但看月出幾回圓。沙場忽聽思歸曲。應使鄉闕望眼穿。得力於岑嘉州

贈別少典

鳴榔伐鼓不曾停。月落津樓見曉星。芳草自分南北路。垂楊相送短長亭。歌殘銀燭愁離別。勸盡金壺醉未醒。豈為燕臺師郭隗。一時客去感飄零。

潘

鏐字雙南江人南吳江人

金山

孤嶼中流峙。橫空勢欲吞。天清江作帶。地濶海為門。塔影魚龍靜。潮聲日月奔。茫茫千古意。醜酒共誰論。造句奇警

揚州秋感

光岳英靈河維分。尚餘寒燄射青冥。將軍闔外空專鉞。丞相營前竟墜星。鬼哭郊原

淒曉角。鶴歸華表泣新亭。秋風萬里荒林下。手折黃花當薦馨。拜史闕部墓而作見四鎮跋處無功而閱

部惟鞠躬盡瘁死而後已也。比以忠武許之者深。

十載江城久未過。美人幽夢近如何。著書歲月窮愁老。對酒湖山感慨多。誼重延陵貽縞帶。節高元亮卧煙蘿。還期鼓楫成良會。聽取尊前白石歌。

彭

桂字爰琴江南溧陽人。陳子山學士携爰琴詩見示係鈔本属于選定刪存四卷催取其促因節錄九章終以不能多取為憾也。可見詩家妙手。

出宣州過箬嶺入歙州界遇雨

遊子倦行役。攀折畏險阻。宣歙盡山城。峰巒互撐拄。叢菁裹郡縣。仄澗跨垣堵。茲嶺何峩峩。縣道通一縷。峭壁插天門。裂石界地戶。泉奔脚下雷。風嘯空中虎。朗日眩神魂。旅人怯亭午。况乎我獨行。縹緲入雲雨。

揚州巖署為董江都故居署後有祠遺井井尚在丁巳秋瞻謁感賦

鄒魯儒風湮。嬴秦強力逞。蘇張舌肆矛。申韓智設穿。典籍付劫灰。仁義棄荒梗。亭長馬上來。功成亦僥倖。苟且由蕭曹。因循及文景。卓哉江都相。電賈非可並。三策本春秋。反覆誠修省。正誼與明道。功利所亟屏。至今兩廡祀。千秋日星炳。管子霸者佐。思以富強聘。官海始熬波。國用因不窘。後世桑孔輩。錙銖收幾盡。淮南百萬租。設使俾

專領趨羶如蟻。蠅處濁同鼃。鼃誰令先生居一朝。作金礦。我茲瞻荒祠。三歎中耿耿。

幸有遺井存。悠然自清冷。獨采剡寒泉。對之滌心影。前以蘇張申韓諸人引起見道術久裂得董子而始正也後又

從管子之熱波說到桑孔盡利准揚之間蠅屯蟻聚而董子之居竟為堆積金錢所以幸有遺井存可以洗心鑒影猶極炎熱時服清涼散也此種詩不同風雲月露之作而又不入

於腐所以為高

### 夜飲閣再彭席上聽孫良侯搗鼓歌

空堂昨暮聞疎雨。颯颯秋聲滿庭戶。可憐今夜露華中。明河碧漢還如許。堂中燒燭

夜譙客有客。酒闌起離席。自言搗鼓聲最豪。奮袖操槌將欲擊。未擊手徐低坐上。先

教眾樂齊眾聲。雜作一聲下。倏如蟄雷動春谿。鼓聲如雷手如電。須臾迸激飄飛霰。

管音何亮磬何幽。忽捲諸音聯作串。初聽緩。裂一聲迴抱腕。乍聞急。百萬軍中單

騎入。急復散。蘆荻蕭蕭偏鳴雁。散終促。懸崖萬點亂噴瀑。有時宮海濤洶湧紅日中。

有時商。鳳皇九子鳴鏘鏘。有時角。擲地兜鍪起舞槊。有時徵。有時羽。微如鳴咽灘流

水。羽如間闕鶯滑語。五聲都會鼓聲中。低時能辨高能融。直教上拂星斗亂。直教下

微井泉空。仰看缺月銀牆上。邊風露草吹相向。鼓聲闌出畫堂中。只覺天清與野曠。

於中能識鼓中神。揚桴擊節旁無人。淵淵沈沈有妙理。能動高雲不動塵。聽君擊鼓

悲無那。好歇鼓槌來入坐。自從驚起漁陽聲。多少江山都入破。二十年前日夜聞。野

花沙草弔殘軍。到今凝碧池頭問。祇有雷生曾報君。客聞此言神欲奪。兩手忽落雙  
 槌歇。鼓聲一止截。取聲空裏餘音猶恍惚。耳邊高覺來聞闕。與君盡醉酒杯前。開顏  
 但為主人飲。今年歡會知何年。勸君打鼓莫輕下。世無曹瞞安足罵。主人縱有岑年  
 衣。不過禰生未許借。迤邐而來備極音節後半借漁陽鞞鼓寫流冠之亂悲  
 壯淋漓末又結到不輕擊鼓真覺四座無人目空一世

建初弟來都省視喜極有感

相持莫下拜。拭淚認分明。訝爾顏何瘦。令余痛失聲。饑寒留剩骨。患難得餘生。乍見  
 渾無語。那堪悲喜并。

為致慈親語。殷勤勸早歸。歎余違并邑。况汝別庭闈。每念尸饔苦。深慙彈鋏非。向來

多少淚。都染手縫衣。弟傳親語勸歸而已與弟轉並滯客  
 途倚閭之息愈切矣此種是真杜詩

更傳兒女意。盡解憶長安。索飯啼堪念。牽衣別自難。兩人今旅次。八口在江干。此際

愁何似。秋風暮更寒。此不解憶長安更覺可悲不解  
 憫其無知盡解又憐其聰慧也

同蒼符過王勤中怡老堂自注堂為文恪公驛沐  
 之所勤中其七世孫

宰相當年怡老堂。雲仍七葉守青絳。成弘盛世思元老。晉宋新亭滿夕陽。蕉葉雨斜  
 侵硯几。藤花風細落書牀。推君逸少兼摩詰。文藻東吳獨擅場。

答懷闕再彭



記別淮陰擲釣竿。楚天雲樹竟漫漫。徒勞問答皆賓戲。始信文章果說難。肥馬塵中  
孤客賤。嚴霜夢裏故鄉寒。自慙未得酬知己。腰下吳鉤怕解看。

彭

極字則神江  
南溧陽人

得爰琴兄都門信

崧頭寶劍泣魚腸。賦就三都價未償。絕不待人惟歲月。最難為客是風霜。春山自灑  
啼鶉淚。慈母曾縫遊子裳。今夜挑燈應獨寐。好將歸夢繞高堂。

吳之振

字孟舉浙江石門人。○宋代詩前此無選本孟舉  
刻宋詩鈔共百數十家已所成詩亦俱近宋人

疊韻送葉星期歲暮還山

空山鸞嘯激清音。壑斷雲連咫尺尋。老去貧交難聚首。眼前生客怕輸心。長鏡劇處  
霜苗短。柔櫓聲中落葉深。萬頃菰蘆堆碧海。星星漁火入香林。鍾有佳句

崔岱齊

字青峙江南  
江都人諸生

燕來巢為李秋水作

去國懷鄉莽自哀。舊時庭院鎖莓苔。塵凝風幌人初至。梁落春泥燕又來。紫海路深  
音信斷。紅顏年遠雪霜催。營巢哺子依君屋。也自逢秋未忍迴。

歲暮送戴衣聞還茗溪

荒郊晴雪映行裝。送客江亭恨淼茫。鳥近黃昏皆繞樹。人當歲暮定思鄉。經年文酒情相似。異地雲山夢不忘。最愛茗溪好風月。明年我欲擢輕航。高青邱清明無客不思家雅天然名句此

亦不錄前人

龐鳴南字達公江嘉定人

### 吳宮詞

麝廊移得苧蘿春。沉醉君王夜宴頻。臺畔卧薪臺上舞。可知同是不眠人。吳宮之女采香越王

夫人采葛猶此意也

一用并說垂戒悚然

### 送馮寶初

木末花開柿葉稀。旗亭分手淚沾衣。憐君身似江南燕。又逐秋風望北飛。不落送人窠白

洪

字昉思浙江錢塘人上舍生著有稗村集○昉思名滿京洛因演所著長生殿傳奇至於斥革受辱又遭家難坎壈終身五十餘墮水而沒天之厄之為已極矣而其詩流澹成澹家漁洋及門中在吳天章下餘子之上應以可傳許之行於世

### 石門

先賢逝已久。予亦宿石門。天寒鳥自歸。林表斜陽昏。吏隱計難得。詎知憂世屯。棲棲

終短褐。此意向誰言。玩詩意乃魯地之石門也憑吊晨門亦自抒懷抱

征途曉發

夜發薊丘道。馬啼踏霜華。月照千里白。不辨水與沙。行行三十里。始聞啼曙鴉。朔風起何處。隱隱鳴悲笳。徒侶慘不樂。從者咸咨嗟。揚鞭強笑語。前村有酒家。

送吳位三歸宣城

宋家丞相後。喬木到如今。之子獨古處。對人無俗心。偶來京洛道。旋反敬亭陰。芳草白雲外。春山深復深。

雪望

寒色孤村暮。悲風四野聞。溪深難受雪。山凍不流雲。鷗鷺飛難辨。汀沙望莫分。野橋梅幾樹。併是白紛紛。山凍不流雲五  
字寫盡雪望

蒙山道中

亂石繞東蒙。崎嶇古道通。一身千里外。匹馬萬山中。密樹遙遮日。輕花細逐風。望雲雙淚落。豈是為途窮。

寒食

七度逢寒食。何曾掃墓田。他鄉長兒女。故國隔山川。明月飛烏鵲。空山叫杜鵑。高堂添白髮。朝夕淚如泉。

東李東琪

聞君昨日到長安。驛路風塵乍解鞍。古寺樓臺高避暑。晴天松柏畫生寒。親知把臂他鄉少。貧賤論交此地難。我自飄零歸未得。秋江勸爾弄漁竿。  
貧賤論交到處皆難。長安尤甚此身親閱。

歷之言

衢州雜感

嶺巔勢聳仙霞阻。遏却妖氛建虎牙。障日叢篁容劣騎。連雲列戟不通鴉。居人亂後惟荒壘。巢燕歸來止數家。一片夕陽橫白骨。江楓紅作戰場花。  
鳥飛者伏也。此為下有伏兵而言若連雲。

列戟則鳥不敢飛矣。體貼入微。半寫亂後景象。如置身古戰場間。

將遊大梁

匹馬嘶荒野。羣山擁亂雲。迢迢二千里。去哭信陵君。

公子行

春明門外酒樓高。稱體新裁蜀錦袍。花裏一聲歌子夜。當筵脫與鄭櫻桃。

釣臺

逃卻高名遠俗塵。披裘澤畔獨垂綸。千秋一箇劉文叔。記得微時有故人。  
非表光武正嘅在貴

忘賤者之古人皆然也

答友人

君問西冷陸講山。飄然一盞竟忘還。乘雲或化孤飛鶴。來往天台雁宕間。陸講山謂麗京也麗

京或傳仙去或傳為僧或傳相過於天台石梁故有此詩

毛師柱字亦史江南太倉人

兵過

寧夏三邊要防秋。萬里屯營移。千帳白馬飲一河。渾但覺旌麾靜。真看節鉞尊。軍容同細柳。知不負君恩。沉雄

舟中兩夢亡婦詩以志感

落月蓬窓照水濱。音容疑假又疑真。境分生死傷心切。愁繞關河入夢頻。酒醒乍驚身在客。淚殘猶道汝為人。廿年舊事從頭記。荆布相依最苦辛。切舟中切夢并切西夢別於尋常悼亡

喜雲間徐合素至自甘州幕府語舊有贈

挾策携琴絕塞行。將軍長揖重先生。題詩好徧雲中戍。射獵應過雪外城。綠酒黃羊晨艸檄。黑貂紅燭夜談兵。歸來萬里雄心在。莫惜離懷醉後傾。

二鸚鵡

綠襟細翼赤欄東。雙立雙棲入畫中。縱炫羽毛休見妒。為能言語却爭工。堂前報客

聲相應。隴首思鄉夢不同。枉自含愁頻對舞。何須玉粒戀雕籠。語語從雙意着筆妙能渾然無痕第六語

用同床各夢意真匪夷所思矣

朱仙鎮拜岳武穆王廟

破竹真能復兩京。十年功績痛垂成。但知金幣堅和議。忍使香盆聚哭聲。手挽山河心未死。身騎箕尾氣猶生。經過當日班師北。千古令人涕淚橫。

追感杜茶村先生

一。生。心。事。向。誰。陳。道。路。皇。皇。老。更。貧。白。髮。幾。人。懷。故。苑。青。山。何。地。奠。遺。民。狂。來。自。合

歌。衰。鳳。絕。處。猶。堪。紀。獲。麟。名。並。少。陵。身。客。死。自注先生沒於維揚旅寓空餘書卷照千春陳北溟

時始奠茶村於聚寶門外此時猶未葬也或云紀獲麟措語太重似覺太過耳此言誠然然太白古風云希聖時有作絕筆於獲麟詩人之辭何必過於執著

方山阻風

征帆早喜到江東。凝望鄉關咫尺通。豈謂三朝又三暮。依然愁水復愁風。空餘山色

烟波外。枉卻秋光道路中。但得快哉旗脚轉。更何分別問雌雄。

陳學洙字左原江南長洲人康熙甲子舉人○左原先生與弟右源為學生兄弟形體性情學問志節無不相同不止如雙丁二到已也詩品雅潔並追唐人尤悔庵太史謂陳氏兄弟昔稱二

難今日二難復見陳氏其言洵然

君子行

君子畏幽獨。大廷乃敢言。小人讐稠衆。衾影不可捫。繩尺君子心。之死靡所奪。脂韋小人態。臨難思苟活。譬如丹山鳳。煌煌世之儀。地蝎藏陰房。白日難逞威。又加青松枝。經霜不渝色。厭彼荆棘繁。翦伐何足恤。縑素既異染。砥瑜僅同形。瀉水一器中。當辨涓與涇。漢樂府祇說君子避嫌此則君子小人之分判如冰炭白黑矣未歸到人君之能辨尤為得要

閱省試錄見璋免名喜而作此

羈人百憂集。煩亂不能理。觀空息群妄。澹泊對流水。蒼端噪乾鵲。何事聒吾耳。南國賢書來。郵騎持片紙。解額六十三。有汝名在裏。大江亘南北。鎖闥萬餘士。高才動淪落。老至常拊髀。流年燦筋骨。飲恨積塊壘。汝年弱冠餘。腹未飽經史。不遇何足歎。得之亦偶爾。憶汝周歲時。呱呱而索乳。汝母躬撫育。一夜常數起。抱置大母前。呼名輒唯唯。姑婦相視笑。吾宗有孫子。安得若長成。讀書取青紫。斯言宛昨日。逝者已如彼。傷哉泉下人。不及親見此。吾衰久於役。感躋靡所止。膝下無他兒。舉目惟在汝。幸汝名稍成。使我心竊喜。會須覽皇都。貽書趣行李。前見遇合之偶然失不足悲得不足喜後見大母與母之屬望而皆

莫其成名不及親見深足感也詩到布帛菽粟纔是真詩

別弟

不敢垂雙淚。孤懷自黯然。恐添慈母念。那免病妻憐。書札從人寄。家庭賴汝賢。歸心

倘可遂。應得在春前。少陵與諸弟詩字字從心坎流出所以獨絕作者直如面語忘乎其為韵語矣

行次滕縣

望裏煙生雉堞低。滕陽城外草萋萋。井田舊業安征稅。淳朴遺風厭鼓鼙。青杏園林禽上下。綠楊村舍水東西。此中鄉土殊堪樂。莫惜從容駐馬蹄。井田淳朴能舉滕縣之大前輩滕縣花開

色似銀舉其瑣細而已

燕京雜詠

萬里風烟古北平。蕭蕭牧馬遍龍城。旌旂曉接長楊苑。刁斗宵催細柳營。輦下公卿多結客。市中屠狗亦成名。儒冠拓落知何事。自笑江東一步兵。

帝城高接太微垣。龍虎蟠迴勢欲奮。闕鎮居庸當北面。河流滄海抱中原。葡萄翠色來安邑。駉駉花鬃出大苑。正是金輿巡幸後。九重無事只臨軒。

一從丹詔下明光。封事朝朝獻未央。聖世保衡商左相。金門待詔漢東方。碧雞久說通叩燹。白雉初聞貢越裳。自此萬方歸有道。扶餘海外不稱王。時三藩海氛俱靖故有是篇

與繆天自夜話

牢落蕭齋病後身。燈前款款話相親。寒暄世態吾偏拙。貧賤交情爾最真。縱酒莫辭今夜月。悲秋俱是異鄉人。明朝便作河梁別。天末涼風起白蘋。惟貧賤交故其情乃真慷慨係之矣



茉莉

玉骨冰肌耐暑天。移根遠自過江船。山塘日日花城市。園客家家雪滿田。新浴最宜  
纖手摘。半開偏得美人憐。銀牀夢醒香何處。只在釵橫髻邊。花取半開留餘韻也  
於此花尤宜西樵考

功後又添  
名作矣

哭外舅劉西翰先生

西臺慟哭血沾巾。百結麻衣刺一身。地北天南拋骨肉。魂來夢往傍君親。孔融收繫  
無完卵。張儉流亡少故人。支遁峰前聊寄跡。此生長作宋遺民。尊人公旦公全首賜  
高節西翰先生讀書

破行年九十餘終  
故以宋遺民况之

獨行歸。然老布衣。耄期不特古來稀。立。雖。無。地。能。安。道。抱。甕。何。心。但。息。機。愛。女。早。歸  
泉壤去。遺孤尚作斷蓬飛。山頽木壞人嗟歎。星象於今暗少微。

送倬雲南還

滿地風塵急暮笳。歸程好覓渡江艖。故園兄弟如相問。只道征夫不憶家。征夫憶家  
人人能道

語耳此轉云不憶家以  
憶家之語不能盡傳也

紙窓矮屋似僧龕。春去春來搥不堪。忽見桃花紅映面。一時回首望江南。

悼內

簇蝶金泥杳不存。空箱顛倒月黃昏。牛衣一挂渾無恙。猶有當時對泣痕。牛衣對泣尋常引用

此以追憶出之其情更深

紗窓曾弄管斑斑。剩粉殘脂次第刪。畧記紅箋留片語。一鈎新月照愁顏。自注內子幼好吟咏

繼以非婦事盡毀之頃檢廢麓於紙尾得此句為之一慟

李國宋字湯孫江南興化人康熙甲子舉人著有螺隱居詩

牛首山

獨上藏龍窟。遙瞻踞虎邦。四天圍碧嶂。一氣滾寒江。淨貝安禪悅。香燈冷法幢。頓令

塵思盡。高倚白雲窓。渾然而來大氣大力

朝天宮感懷

冶城山色帶殘暉。絳節中天渺翠微。自昔鼎成龍已去。只今松老鶴還飛。齋宮寂寞聞金磬。泉海蒼茫想玉衣。唯有步虛諸羽士。秋風時禮白雲歸。

望國山

岳麓銅峰面面分。雨中遙望國山雲。紫宮秘記金函冊。青嶂殘碑石鼓文。虎踞幾年瞻王氣。龍驤他日駐新軍。九岑環繞荆溪水。留得司徒半畝墳。國山有皇象篆碑此孫皓封禪文也國運

將珍猶侈對天鴻休之詞頭聯殊見譏刺

李馥字汝嘉福建閩縣人康熙甲子舉人官至浙江巡撫著有鹿山詩鈔○鹿山公虛己受益有指其詩瑕類者應時改定詩多見道語因未寄錫本祇錄其曩時記誦一章

過司空表聖墓

古道瞻遺墓。豐碑紀有唐。榮華辭黻冕。泉石殉君王。詩品卑元相。清風慕首陽。如何長樂老。黃髮耐興亡。表聖評元相詩比之都市豪佔○表聖處危亂之朝無宗社之

隱淪心寔忠良也泉石殉君王官谷被召陽為表老丐歸後聞表帝被弑而卒跡近他人不得結以馮道反視倍覺有力

史騏生字千里江南溧陽人康熙甲子舉人

寫懷

覽鏡何顏面。江東一腐儒。父書空滿篋。母線尚縈襦。窮巷慚南阮。騷壇廁小邾。世人

憎愛錯。不賣積中珠。胸中有物目中無人

藍啟肅字恭元山東即墨人康熙甲子舉人

送郭華野總制湖廣

中旨纔傳出漢宮。直教歡喜到兒童。如聞元祐徵司馬。未許東山卧謝公。列郡應多

投墨綬。當朝誰不避青驄。澄清豈但荆襄路。佇見訐謨沃聖衷。華野名瑋彈劾聖祖後以報復推折聖祖南巡問吳江士民誰為廉吏眾以瑋對聖祖命摠制湖廣華野舊令吳江湯文正公斌薦為侍御者也

聖祖命摠制湖廣華野舊令吳江湯文正公斌薦為侍御者也

馬之鵬

字文淵湖廣蒲圻人康熙乙丑進士歷官戶科給事中

別毛姬黃陳相宜

薄遊至西江東南逢二妙。本是同門友。同心復同調。樂奏金玉聲。情深知仁樂。清風披素襟。明月朗餘照。已見投膠漆。無庸判紵縞。胡然忽分張。殊方理征棹。越俗飲文華。楚風戒輕剽。安驅越中和。研精歸道要。江湖暫分流。終馬合廊廟。天心展大猷。母為戀蓬藿。毛與陳皆越人已為楚人。品以化風氣之偏而歸於中和。措詞何温厚也。未望其策名清時所見尤大。

除夕得廬字

臘雪初消歲又除。鑪灰徐撥定更餘。親聞此夜思遊子。客路經冬阻尺書。卷軸隨身成故友。乾坤何處是吾廬。漆年便惜年華減。飲罷屠蘇轉歎歔。

徐元正

字靜園浙江德清人康熙乙丑進士官至工部尚書

廣陵懷古

聞追舊迹檢殘編。繡柱珠簾盡惘然。東閣詩成何水部。揚州夢覺杜樊川。尋春易過佳風月。送老難忘好墓田。莫恠無人能跨鶴。誰齋十萬作腰纏。

注

灝字文漪山東臨清人康熙乙丑進士由翰林官至河南巡撫著有倚雲閣集

拜楊伯起墓

蟠龍關塞近。天鳥墓門深。萬古長河水。千秋暮夜心。衣冠朝嶽麓。蘋藻薦桃林。夫子應知己。囊無陸賈金。無刺語便是作家

送謝方山郎中告歸

孤心霜月迥秋清。三十年來翫世情。真得意時惟嘯詠。不如人處是功名。三臺後輩多迴席。五字偏師盡卻兵。舒卷從心難繫縲。白雲天際任縱橫。五六承三四言之唐人中每有此格

施何牧字贊虞江南崇明人康熙乙丑進士官吏部稽勛司員外著有一山詩鈔沒世三十餘年先生中歲歸田守正履道詩學斷斷唐宋之分不肯隨時趨向今錄其向日所鈔五篇聊志風槩云尔

效諸將三首

萬疊雲山。山外城登陴。一望氣崢嶸。渠搜西去新傳箭。弱水東來盡列營。有侯絃歌工化俗。且將鞞帕學論兵。鬼方親見高宗伐。奇績無須三載成。

闕河日夕羽書傳。億萬芻蕘悉帑錢。不為陳師來紫塞。何緣轉粟上青天。至尊減膳龍庭外。諸將忘身虎旅先。自古足兵謀足食。四方願祝屢豐年。

天山八月朔風吹。兩道飛符並出師。突騎全憑白馬將。彎弓已斃射鵰兒。金城舊日屯充國。瀚海今朝斬郅支。蠢爾西戎稽顙後。還祈干羽格諸夷。味詩意應是聖祖

師既遠轉粟甚艱故聖祖因其服罪而赦之今國有弒逆皇上帝時事時出部落投誠罪人斯得兵不血刃而已奏蕩平後古王師所未有也錄考功詩因而

恭紀 聖人神武侯  
後之覺者有所考云

九日放舟山塘

老去登臨興未刪。便乘小艇放溪灣。高原水淺苗初出。密樹霜濃葉漸斑。半世功名隨旅雁。百年心跡對秋山。黃花此日何岑寂。一笑層臺頓更攀。

贈焦山人

冷冷秋闈大江臨。中有幽人滿玉琴。一自霓裳檀板歇。幾回鐵甕戟枝沈。孤鐘斷續迷寒雨。冷燄高低起暮陰。此日孝然如可作。白頭肯負紫芝心。  
此贈焦山冷秋江作嘉其高隱勉其不負

初心得古人  
贈言之意

黃庭字義山江南長洲人康熙丁卯舉人

延川道中

水似瞿塘險。山如劍閣雄。奔濤時齧岫。盤磴半臨空。馬踏雲頭上。人行石腹中。那知巫峽雨。翻作塞門風。  
能作奇語

寧夏渡河

峽口回波繞塞流。  
自注峽口山名兩山相夾河流其中黃河利獨擅邊州。千屯得水成膏壤。兩壩分渠據上游。  
自注漢渠唐渠今名大壩小壩著水激田獨受其利雞犬人家紅稻岸。魚鹽賈舶白蘋洲。那知澤國隄

防急百萬金錢擲浪頭。

正月既望自錢塘進艇新安江行十日達紫陽門即事寫懷得船字

吳榜停時擢越舡。湖原浙水出山泉。一千里近新安路。三百灘齊天目巔。自注新安平地與天

目山軒后臺前神獨往。羲皇卦外歲初遷。自注予今衰年興待名山助擬向雲端采

石蓮。予遊黃山年七十有八視作者多十有七年興待名山助其言果然

送陸翼王徵君南歸

天際冥鴻不可求。高飛豈為稻梁謀。山中犬隱微弘景。海內奇書問鄴侯。風雪五年留上谷。鶯花三月下長洲。吳宮春色應如舊。眺望先登開府樓。

馬嵬

方士鈿釵何處得。農夫羅鞵此間收。蒙塵莫漫尤傾國。猶剩唐家土半邱。本禍水也纔說為唐

家生色見文人筆舌之巧

梁佩蘭字芝五廣東南海人康熙戊辰進士官翰林院庶吉士著有六堂堂集

同榜中俱前輩事之

養馬行

庚寅冬。耿尚兩王入粵廣州城。居民流離竄徙於鄉域內外三十里。所有廬

舍墳墓。悉令官軍築廐養馬。梁子見而哀馬。作養馬行。

賢王愛馬如愛人。人與馬並分王仁。王樂養馬忘苦辛。供給王馬王之民。馬日飲水草百斤。大麥小麥十斗勻。小豆大豆驛遞頻。馬夜斲豆仍數巡。馬肥王喜王不嗔。馬瘦王怒。王朴人。東山教場地廣濶。築廐養馬凡千群。北城馬廐先鬼墳。馬廐養馬王官軍。城南馬廐近大海。馬愛飲水海水清。西關馬廐在城下。城下放馬馬散行。城下空地多草生。馬頭食草馬尾橫。王諭養馬要得馬性情。馬來自邊塞。馬不輕人有齒。馬服以上刑。白馬王絡以珠勒。黑馬王絡以紫纓。紫駟馬以桃花名。班馬綴玉鐙。紅馬綴金鈴。王日數馬。點養馬丁。一馬不見。王心不寧。百姓乞為王。馬王不應。以贊頌風刺之旨。貴畜賤人如此。其敗亡也必然矣。此種詩前無所承。後無所繼。應是具獨開生面之作。○城南馬廐近大海。以上用真文通韻。以下用庚青蒸通韻。莫認作一韻到底看。

日本刀歌

市中寶刀五尺許。市中賈人向予語。紅毛鬼子來大洋。此刀得自日本王。王使紅毛預齋戒。三日投刀向刀拜。龍形虎視生氣驕。抽出天上星搖搖。黃蛇之珠嵌刀首。百寶刀環未曾有。有時黑夜白照人。殺人血漬紫繡新。陰晴不定刀氣色。風雷閃怪吼。墻壁相傳國王初鑄時。金生火尅合日期。鑄成魑魅魍魎伏。通國鬻體作人哭。人頭



落地飛紙輕水光在水鋪欲平國王恃刀好戰伐把刀一指震一國紅毛得刀來廣  
州大船經過海若愁携出市中人不知價取千金售不得我聞此語空歎呼兵者凶  
器胡為乎中國之寶不在刀請以此刀歸紅毛

所字字鋒鈍逼人駭膽慄魄未見中國  
所寶在明德不在武事尤得尊崇之

### 易水行

易水悲歌動天地荆卿入秦為燕使秦王尊禮設九賓殿間顧笑旁無人於期之頭  
奉上殿血光直射秦王面取持督亢色倉皇咄哉年少秦舞陽圖窮不覺見匕首秦  
王晚之環柱走荆卿不得刺秦王無且在殿提藥囊為謀不成寔天意祖龍膽落荆  
卿死一死可以報太子君不見沙邱之椎亦如此

荆軻刺秦王一條生劫之謬一條  
劍術之疎然秦王之魄已為之奪

矣以沙邱狙擊  
作結倒觀有力

### 惠州王紫詮太守築羅浮子日亭落成作歌寄之

登山不到羅浮巔舉足萬里真徒然瑤房璇室七十二羣真笙鶴長喧闐况支蓬萊  
一左股金陵地肺遙相連風雲雷雨出其下上界滌沆涵澄鮮夜來星宿照分野有  
若榆樹垂金錢齊州九點盡可數中原一縷搖輕煙就中飛雲更奇絕天門詠蕩雲  
聯絲銀河屈注倒在背帝座豁落平當前神霄斧鑿施不下鳥道豈有藤蘿牽何人

築亭在其下。循州太守令豪賢為亭命名曰子日。意象在探鴻濛先世間萬事起根。本黃鐘子氣無不全靜為動本太極理循環迭運非言詮陰陽旋轉推晝夜陽明玉燭光回天紫微垣中日杲杲太陰蟠竦安能纏此山三更坐見日高與泰岱齊比肩。天雞大叫海水動海中湧出金盤圓羲和整轡升若木神人枉用迴秦鞭太守名亭復為記二樓伐石為碑鐫大書年月人某某千秋萬世名山傳附書仙人海瓊子倡和共掣雲霞箋平生濟勝仗筋力匡廬白岳隨攀緣羅浮家山望咫尺反似往昔遊幽燕山靈待我謝招手不久黃鵠來高竇洞門借騎蝴蝶入峰頂或就桂父眠煩君劇取龍葱七尺遺贈我相酌先寄飛龍篇

波瀾層疊中就子日二字開明動靜互根全理而仍不入於腐筆故超氣故達也仙

人海瓊子作者自謂

### 次京口

繞郭盡江水長虹跨不來地形山勢截天塹海門開白晝龜鼉出中宵鼓角哀佳時征戰處臨汎重徘徊

### 沛中

黃河西出南徐路馬首經過識沛中一代帝王還故里幾家雞犬入新豐天垂芒碭雲疑在山擁彭城氣已空湯沐昔時諸父老相逢誰為述歌風

閨夜

百尋古閣郡城東。簾捲前山一角風。哀壑有光星在底。明河無影月臨空。羣生靜息鴻濛裏。秋氣森歸耳目中。不是夜深能獨醒。海門誰見日初紅。

湯右曾字西厓浙江仁和人康熙戊辰進士官至吏部侍郎著有懷清堂集○浙化者較耐尋常也後有作者幾莫越兩家之外

相見坡

清風生山巔。微雨在山脚。後山路始窮。前山辟又削。飛龍中忽斷。奔馬勢旋却。兩山鬱菟峨。一水相互絡。洩雲天光漏。仄壁石氣錯。俯逐飲澗猿。仰睇投林雀。高低摠髡。上下殊苦樂。彼途俄復經。此路邈如昨。相見難相從。青冥倚寥廓。極形兩山之險而未以相見難

相從五字括之可云經營心苦

澄海樓

大海東。迴水波。惡如山。浪打長城脚。千年萬年鬼夜哭。冶鐵銷沉石崩落。王公設險古制存。屹立重關嚴鎖鑰。干戈相尋遠不數。六十年前事如昨。大盜移國明社墟。瀕洞烟塵昏六幕。是時關門臨賊壘。白日旌竿莽蕭索。奸兇滿盈人鬼怒。世運艱屯神聖作。飛龍首出在九天。熊虎戎衣只一着。石河西南破賊處。父老猶言戰時樂。後漢

書今見其戰。不聞人聲。聞刀聲。霹靂。摧枯。風掃。箠。只今車書通萬里。天下一家無厚

薄。名都貨貝街喧闐。屬國責琛。驛交錯。承平暇日。展遊眺。賓客閒情。寄觴酌。茲樓我

到亦偶爾。萬古心胸。忽開拓。更喜天容。海色清。側身東望。蓬萊閣。自注主人言天氣

登雲麓峰望南嶽歌

我聞三神山。遠在東海東。神仙恍惚路難到。世上五嶽蟠胸中。憶臨滄溟倚日觀。九

萬曾踏扶搖風。昨辭蓬萊建羽節。陽景一翳迷高嵩。西南萬里入羅鬼。似墮幽井窺

圓穹。東還雲夢吞八九。張樂已在軒轅宮。七十二峯青聯屬。蒼梧天外雲濛濛。清湘

水流環九面。南嶽神鎮齊三公。靈妖物怪。數藏納。丹甃赤幕光。瞳矐峯峰低昂。宛相

次。獨有紫蓋爭祝融。雷泓風穴互開闔。玉書金簡留穹窿。岫嶠山尖蝌蚪字。人跡欲

到路已窮。使者虛亭花藥繞。山人仙骨雲霞通。似聞綠髮有毛女。不少翠羽來青童。

離宮福地入縹緲。目所眺。瞻攀躋。同衡陽。縣前昔。騁望。壓陣。巉巖。嶺雲排空。仙山咫尺。

俗緣誤。况今百病中。交証升。高視。遠腰脚。軟。左右扶掖。如衰翁。道人鐵瓦。緬遺構。拜

嶽之石。高巖崑。九疑。清猿。怨。遙夜。洞庭。落日。浮孤蓬。漢女幽蘭。冉冉翠。楚妃淚。竹斑

班。紅振衣。周覽窮上下。忽與意思增清雄。人間擾擾等蟻螻。慎勿變化隨沙蟲。君不

也。蟻賊毒亂。與朝戰功於登樓時揮洒出之。豈同苟然之作。

自注主人言天氣清明往往見登萊

見迴鴈峰來。八百里揮手欲駕冥飛鴻。前從使滇回說入便有波折次寫望衡嶽處

放舟至下鐘山

空濛一片雲滿湖。西南風起吹檣烏。淵淵且止發船鼓。秀絕下鐘山。色無囊裳直上。捷猿狄樂哉。一幅寒林圖。絕頂飄飄目四豁。左右江湖渺空濶。烟波盡處洲渚微。彷彿扶桑見窮髮。天旋地轉不少留。迴看星氣忽已周。扁舟歲晚夢吳越。匡廬五老空船頭。銜艦如山萬商集。使者纓旌騎吹入。行人擾擾競錐刀。落日悠悠下城邑。前臨巨石紛盤院。仰看絕壁青嵯峨。玲瓏窈窕萬竅出。安得滌汨生流波。風聲水聲奈尔何。只今埋沒塵沙多。無絃之琴張素壁。歲久抑鬱恐不和。一歌如扣鐘。再歌哀知音。洞庭木脫水深深。天高月白風入林。或鼓或考聲欽欽。嶺猿江雁同夜吟。潛蛟出聽老龍泣。漁父滄浪知此心。石鐘山記坡公透暢言之遊下鐘者不必更從鐘聲落想矣作者別行一路故其語無雷同耳

黑石渡

昨從邛山來。今從邛山去。邛山朽骨萬萬古。惟有行人朝復暮。黃金蝕盡白石爛。螻蟻三泉尚知處。我來欲酌酒一杯。落日荒荒下前渡。朝暮行人即是邛山中人末語欲盡不盡點然神傷

山海關

東西誰界絕。封此一泥丸。地接長城險。天浮渤海寬。連山趨碣石。積水見辰韓。吹角

關門出。邊風馬首寒。連下章盛唐音節

辰龍關

東馬懸崖險。關門鬱不開。居然橫戟地。曾此挂弓回。浩蕩妖星落。蒼茫角吹哀。兵家爭間道。為語勒銘才。

上玉岑徐公

海岳英華蓋代人。由來絕業迥殊倫。六經屢折羣儒角。九服齊扶大雅輪。無事心常愛止索。有才誰不仰陶鈞。每看元老虛懷處。吐握風流一旦親。

春宮玉尺手親持。科目光華此一時。嘗惜文辭傷篆刻。獨將經術作宗師。士當失意猶無恨。才苟懷奇定見知。只有公門慙小草。也滋化雨伴仙芝。健蒼誓欲蒐羅天下英奇才苟懷奇定見

知一語非虛譽也少宰為司冠特賞識人故言之親切

登峴山亭至甘泉寺

籃輿嘔軋傍城隈。積霧霾陰黯不開。一磴自穿雲氣入。萬峰爭送雨聲來。山川浩蕩今如此。裘帶風流安在哉。千載牛山共揮涕。古塔秋井易心哀。

雲藏岩谷畫冥冥。忽聽天風響佛鈴。草際老僧迎客至。烟中脩竹入門青。坐來瀛海

茫茫地。盡失山川漠漠形。休問葡萄揆醅後。甘泉一酌自清泠。次章承萬峯爭迷雨聲未言之

荊州

剩健遺隍問舊疆。龍門馬牧揔茫茫。接天波浪三江口。橫地風雲百戰場。尚有帆檣

下巴蜀。無多戶口在耕桑。不堪原野蕭條地。吹角重城倚夕陽。

戎馬壬申逮甲申。萬家烟火幾家存。人如刳豕屠羊慘。事異黃中青犢論。妖樹禍生

天北極。怪風寒捲郡南門。龍陂橋外坡陀血。誰洗忠臣九地魂。流寇之亂於荆襄尤甚篇中憑弔往事故

極形亂後蕭颯今則為天下重鎮矣重熙累洽歌咏者可忘所自耶

黃尊古上都秋色圖

落日牛羊下遠村。平沙萬馬別開屯。君看鵲沒鵬盤處。莽莽青山是塞垣。

清詩別裁集卷十六終

Faint vertical text columns, likely bleed-through from the reverse side of the page.



清詩別裁集卷十七

禮部尚書臣沈德潛纂評

唐孫華

字寶君江南太倉人康熙戊辰進士官吏部主事著有東江詩鈔東江勤於學殖不重絀冕歸田後與二三老友登臨燕飲有香山洛下之風至

九十餘乃辭世生平故天爵自尊者也論詩謂詩必有為作每與史事相表裏故其詩不趨高起尊崇質實皆其言有物者咏門神詩偶然戲筆而外間傳誦和者紛紛母乃探驪龍得珠而專取鱗爪耶

述古

讒口成鏢金。沉舟由積羽。蒼蠅正羣飛。白璧無完素。臧倉沮孟軻。伯寮愬子路。正直枉者非。妍好醜者妬。芳蘭每見鉏。實以當門故。道義苟無譽。特立何足懼。由貪而踞廉。毀譽每錯互。孔光詆王嘉。馬融排李固。孔馬皆大儒。物情常嚮慕。一朝勢利奪。顛倒迷好惡。嗟爾名教人。毋令青史汗。  
孔光何足惜以馬融之儒學而排擠正人則名節盡喪矣時有名人而讒湯文正者意作者

古以觀  
今人耶

贈趙松一趙曾著讀史  
質疑一書

尼父著春秋。大義揭星漢。功罪無匿情。是非有定案。作史與論史。宜以經為斷。後儒恣穿鑿。如絲各棼亂。收誇爾朱功。壽譽武侯短。蜀魏爭正閏。島索互詆調。馮道善變通。武媚宜郊裸。邪說既紛紜。大道日離畔。矯矯趙夫子。朱墨久研鑽。家貧出負米。賓

席弄柔翰。六經貯巾箱。三史供點竄。上下數千年。一一如珠貫。筆挾董狐直。書過袁  
豹半。辯如懸河注。目如巖電爛。論準過秦叢。語陋美新謾。示我兩卷書。明憲得吟玩。  
潛德必有彰。姦諛死無道。南山豈可移。先零何足按。霍若穿霧披。渙若春冰泮。明史  
今未成。授簡多疑憚。白頭雖有期。青竹何由汗。如君著作才。固宜參史館。說經常硜  
硜。陳史亦侃侃。形諸直如筆。千秋事可判。庶稟魯史程。得隨游夏贊。惜哉擅三長。無  
從置一算。抱書菰蘆中。慨然發永歎。  
樂舉論事不平者逐一批駁而以以  
經為斷一語該之何等光明正大

閒居寫懷

屈伸固有命。秋毫非人功。三世不徙官。執戴老揚雄。荀爽起布衣。百日至三公。後臂  
終數奇。李蔡本下中。方壯既悼顏。皓首仍悲馮。世有巧而躓。亦或拙而通。憂喜塞翁  
馬。得失楚人弓。時命苟不諧。不如安固窮。  
巧拙躓通俱可不問而一歸於  
安命固窮君子提躬莫踰於此

同宋葯州太史登滕王閣

平生想慕滕王閣。未能千里驅輪蹄。豈意雲山落吾手。飄然直上凌飛梯。天風浩蕩  
入懷袖。頃刻塵眼開金篋。畫棟朱欄照城郭。丹樓碧瓦纓虹霓。吐納江流九派小。平  
堆堞羣峰。落日倒射澄潭影。金波千頃浮玻璃。上捫星辰若有路。下臨洞壑疑  
無蹊。賈客帆檣自來往。風濤出沒如鳧鷖。跼蹐飛鷲不敢到。長空杳杳鳴天鷄。憶昔

驕王盛意氣。臨風歌舞飄華桂。不惜金錢構飛閣。截業上與煙霄齊。子安文字當時體。縱橫萬象誰端倪。如何俳語笑倉猝。穎濱一老猶相詆。注子由滕王閣江河萬古終不廢少陵不敢輕排擠人生遊跡過如掃鴻爪一瞥飛東西洪都勝地獨數此偶然匹馬隨雙奚。閻公賓客今寂寞。幸有勝友能招携。憑欄徙倚三歎息。山雲亂起烟悽迷。一代繁華有衰歇。三王文藻誰攀躋。我行自哂真孟浪。此遊聊可驕昌黎。白題須出以新意中間子由之誠一段是也昌黎作記始終未到此圍末以己之遊覽驕昌黎之未遊此間亦是別尋蹊徑

### 鷹坊歌與夏重愷功同賦

水磨地名園亭清且幽。碧柳陰濃古木稠。偶然携客避炎暑。腥風忽覺來颼颼。云作閒坊為養鷹。名材不惜千金收。板屋羈棲拳鐵爪。浮雲仰視張金眸。就中海青獨稱最。傳聞出自青海頭。銳頭猛腦特神俊。自矜恥與羣鸛儔。杉雞竹兔不足取。氣吞乳虎欺羗牛。白山黑水出異產。在昔遼代曾窮搜。誅求因結女直怨。無端兩國興戈矛。愛鶴愛鷹皆速翫。羽物何事常招尤。頭鷲盛宴付逝水。瞭鷹高臺成古邱。冰天朔漠餘殺氣。江山不改竒毛留。從來異物聚所好。携籠走馬來荒陬。人間養鷹如養士。時效用三時休。多畜馴鷓供餵飼。流血滲鹿窟。珍喉填腸滿。味意未已一飽欲。微梁邊鷺乃知惠。養多倖竊肉食未必皆能謀。虞人懸衡揣斤兩。驅骨輕重須相侔。自注鷹必稱斤兩以

十八兩肥苦鈍遲瘦無力。上臂能辨劣與優。空倉飢雀日叫噪。一出往往逢置學。爾曹  
 為準。搜肉偏遠患得食。那敢辭籠囚。譬若猛士饗牛酒。投石奮欲償恩讐。皆距久聞求自  
 試。常思一舉翻高秋。鷹乎鷹乎益努力。霜天風緊將離鞴。鳥中惡物正不少。早拉訓  
 狐早鵠。鷓功成山藪得。清廓願汝仍化林間鳩。勿戕胎卵。鷺鷥鳳阿閣。萬一重來  
 遊。先說金逸爭鷹以致兩國起釁次說養鷹不用同於肉食謀國後說  
 搏擊惡鳥分別梟鷲而歸於仍化為鳩仁厚不殺此通篇結穴處

讀梅村先生鹿樵紀聞有感題長句

一旅誰知扼紫荊。蜩螗聒耳正紛爭。腹書競伏狐鳴火。手蔗頻驚鶴唳兵。直待臨危  
 思翦收。可應先事戮。韓彭石頭袁粲身。堪惜自壞邊關萬里城。公注指東莞督師袁  
 崇煥。誅袁宏讀

此我朝用間而前明為盟  
 所愚也事後追悔何益哉

東山即事

湖風盡日響松杉。接席連床共一巖。文到無情真悔作。口除飲酒只宜緘。晚涼欲試  
 蒲葵扇。暑汗頗嫌葛越衫。破硯生涯今更拙。謀身端合託長鑱。

永嘉令馬公死寇難令嗣觀察公請於朝賜諡忠勤索詩

青袍白馬塞甌閩。一命官卑大義均。豈有兵符麾士卒。要將全節感臣鄰。君王未  
 識真卿面。戰陣甘捐軀。先軫身尚念。天恩未酬答。生兒留作報恩人。

諸葛武侯祠

卧龍潛下國。逐鹿走羣雄。慷慨吟梁父。撓謙拜德公。管蕭才豈匹。伊呂望應同。漢廟靈猶在。劉天姓未終。一犁畊隴畔。三顧出隆中。旒綴千年璽。絲懸九鼎銅。黃圖分社稷。赤壁掃艤艘。入蜀神基固。分荆隘路通。一爐火并燄。自注蜀有火并漢盛時火燄漢末漸微孔明一窺之火乃復再起沛鄉風。操懿真如鬼。關張並是熊。自注周瑜謂關張能虎之將崎嶇箕谷路。流涕永安宮。定計收闕隴。深期卜鎬豐。雜耕屯渭曲。籌筆洗荒戎。吞貉曾無芥。鞭狐欲折兇。自注石勒謂操為孤婿風雲開絕業。日月照孤忠。委寄尋前諾。艱危誓鞠躬。三分非素志。八陣漸成功。炎景終移祚。流星忽墮空。宅桑仍索寞。廟柏自菁葱。異地留祠宇。靈旗捲暮虹。忠錄

武平生而言工整蒼  
樽胎原出於少陵

田從典 字克五山西陽城人康熙  
戊辰進士官至大學士

擬七德九功舞歌效樂天體

七德舞。九功舞。武緯文經耀千古。朝廷千羽在兩階。天下車書盡九土。我皇御極垂衣裳。四方萬國來享王。自朝乃至日中昃。堯兢舜業不敢康。為念斯民亦勞止。丹詔夕封馳萬里。咨爾強藩且載戈。釋甲歸來見天子。苞有三蘂方憑陵。一朝敢弄潢池兵。蕩搖滇黔連楚蜀。度劉閩越驅鮑鯨。驛聞天子赫斯怒。皇言一宣

天日午。誓將滅此後朝食。取彼兇殘昇豺虎。臨軒命將親推轂。中有天潢建牙纛。日  
 射春旗萬馬鳴。雲開曉帳千官肅。一從荆鄂向三湘。一自江州下豫章。西指秦川臨  
 劍閣。南經吳越度錢塘。王師所至如風電。合圍掩羣開一面。狼奔鼠竄皆倒戈。市  
 肆不驚芸不變。王師所至多謠頌。行者願齋居者送。天語殷勤再四宣。無令南  
 畝妨春種。一年轉戰雍梁間。二年克敵威荆蠻。三年掃清甌與越。一鼓遂進仙霞關。  
 四年官軍收閩地。逆臣稽首歸藩位。五年賊渠死岳陽。六年百粵置胥吏。七年一舉  
 入成都。夾擊東西疾。瀘八年蕩掃。昆明穴。普天率地歸。皇圖羽騎宵馳傳。露布  
 從此江山復如故。侍臣拜手賀昇平。武士鳴鏡歌大獲。我皇恭己開明堂。木鳳銜  
 書下八方。嘉與吾民共休息。欲偕斯世為陶唐。思齊太任及太姒。翼子貽孫既受祉。  
 恭上 徽音萬國歡。再沛 恩綸與更始。昔時民間苦被兵。烏鳥聲樂多荒城。今日  
 言旋復。邦族閭里不聞愁。歎聲昔時民間苦。征役男子輟耕婦。休織今日公家免。踐  
 更鼓腹行歌仍作息。機槍滅迹三階平。我皇宵旰猶未寗。手披目覽庶績。早朝  
 晏罷勤蒼生。天縱聰明兼 聖學。研精書史窮邱索。著述開天冠百王。四海文明生禮  
 樂。舞七德。舞九功。五絃之琴歌南風。願令世世陳王業。王業艱難萬古同。

軍收滇南頌  
 連臣庶陽城因做唐代七德九功之舞作為歌詩中間三藥之畔三藥之平一

詔中外示天下蕩平允羣臣請上 太皇太后 皇太后 歲號恩  
 年十月官

可考當以詩史目之詩之曲折頓挫迤邐往復得昌黎平准西碑之體不專學白樂天也詩亦見翁司寇集中豈翁為大司成時田為太學生代師長擬成稿本耶唐人詩中兩

趙見者有之俞字文鏡江南嘉定人康熙戊辰進士官定陶知縣對獄吏者再後雖貽雪然亦瀕於危矣詩體靈敏之中冲和自在是為正聲

### 古風

孤矢用威敵。還為奸宄利。蒼姬六典書。莽新竇階厲。國息既數慝。况乃肉刑議。後聖師前古。顯在行仁義。本同末則殊。沿革隨時世。孟軻今復起。亦不講井地。未聞書契作。仍可結繩治。聖人大法天。亦行所無事。介甫行周禮適為厲階師法古人在意不在迹也安得此通達治體之言

鴻纖列萬品。一一自稟賦。削觚使就規。湮編忽失素。變本乃為奇。矜新眾所驚。人於大塊中。果蓏一蟲蠹。吾欲追淳朴。各各安其故。因物付物聞。斯理則已具。

斯螽夏切股。翰音晨引吭。彼豈能自主。時至乃翕張。測天憑儀器。俄已易躔次。測晷以刻漏。時亦乘啟閉。夫豈聖人作。而顧謝物智。任人斯有為。任天故不二。任天而行

欲還淳朴而不流入老莊斯在有為無為之別

### 踏車曲

杉櫓作筒檀作軸。烏鴉銜尾聲。鹿赤露兩肘。腹無粥。踏車辛苦歌。如哭。前年井底

泉脈枯。去年甌窶長芟蘆。早年掘窩轉水入。潦年築堤翻水出。水入水出車欲裂。裝夫那不筋骨折。無奈今年又苦旱。塘水少於衣。上汗往年車完人盡力。今年車破人無食。人無食不足。卹努力踏車聲太息。伍伯催租秋賦迫。連年未報災傷冊。歌聲如

於汗皆是成奇孽語 聖朝恤民不啻父母之於赤子而連年水旱猶有未報災傷者何知有官而不知有百姓耶

### 射虎行

居人傳言郭有虎。白晝咆哮出林莽。將軍蝟毛鬚倒豎。遣使發卒悉所部。白羽長箭大黃弩。皮作車茵肉治脯。虎見千人若無覩。千人驚顏色如土。箭未脫弦弩折附。虎起攫人如捕鼠。突出圍場公然去。當今四海樂昇平。軍士逍遙無什伍。將軍錦裘玉帶醉。瓊璣胡為輕料虎鬚攫。虎怒從今軍府耀威武。只射兔虜莫射虎。

侶臺弟以悼妻哭子詩索和憔悴婉篤情有不能已者余欲發平情而裁之以

義也輒有是作

至痛君難割。前型我所師。延陵於禮合。奉情太情癡。尚有君親重。休為兒女悲。節哀宜引義。不敢再題詩。以義節情情歸於義若助之悲悼不猶醉人扶醉人耶只一製題使得儒者立言之體

### 舟行晚過青浦

孤蓬秋氣入。此夕客心驚。露白浩無際。蟲吟併一聲。塔隨帆影走。潮湧月輪行。磔磔



城烏起。譙樓已二更。浩字併字鍾鍊而得併字尤佳

和查夏仲敬表詩

無復如膏耀日輝。闕河難禦雪霜威。配宜東郭先生履。煖勝西華公子衣。紇絨猶餘清節在。蒙戎轉覺旅情非。只應五月能忘暑。披上江鄉舊釣磯。典而

岳忠武祠

檜樹枝生宋祚微。將軍那許總戎機。出師累捷身應死。與敵同讐事已非。脫幘收時光。礙動屬鏤賜。後怒濤飛孤忠。願抱千秋恨。不共斬王早見幾。以道濟伍子胥比之冤抑相同而關係尤

大此空際着題一法

彭無山給諫自河工召復原官喜而有作

三年薄宦卧江干。鳴鳳今朝刷羽翰。暫屈鄴侯參幕佐。忽宣唐介拜原官。重來震海皆傾聽。一入朝廷便改觀。漢室淮陽終不召。須知納諫古今難。出使事與切結意反觀聖朝納諫工於

立言

督亢波

提劍荆卿勇絕倫。浪將七尺殉強秦。燕讐未報韓讐復。狀貌原來似婦人。見重智而不重勇也

王導

本無勛德濟艱危。儒雅風流事又虧。臣族不知三窟就。風塵休障慶元規。江左夷齊何事生

溪聲

結廬何日住深山。竹月松風相對閒。卻笑溪聲忙底事。奔流偏欲到人間。

聞鷓鴣

月照霜華石磴危。鈞輶苦怨客歸遲。故鄉亦是驚魂地。只恐山禽尚未知。

陶元淳

字子師。江南常熟人。康熙戊辰進士官昌化知縣。

暮歸僧寺和潘九儀韻

暝色城先到。人聲野更稀。山深難得月。水暗欲濺衣。魑魅憎人過。蟲沙得地飛。迷途知未遠。鐘起喚君歸。

臬司劉公枉書惠存詩以志感

一官萬里尹蒿萊。幾個生前歸去來。况復勞心陽子拙。敢云流涕賈生才。眼消瘴霧千山淨。春到蠻花滿地開。從此不愁風土異。生還終望我公哀。

和唐張謂韻

道路非難作吏難。一洲鰲背立郊壇。人言瓊管曾開府。我道囚山合挂冠。萬里親知春夢斷。一生事業暮潮寒。新恩已是拔荒處。卻望新恩福地看。

如此途窮欲進難。朝天漫上越王壇。踞高不合伸強項。逐裸何須岸大冠。傲外山河逢帝醉。心頭鐵石向人寒。長安日下猶言遠。窮海孤臣那得看。二章與道臬使劉公詩同意

史申義字蕉飲江南江都人康熙戊辰進士官翰林院編修著有蕪城詩集傳

由富陽至龍游

沙禽亦無數。格格野塘秋。孤棹有時泊。遠山相向愁。月明烏桕樹。人散白蘋洲。何處津樓上。無眠聽櫂謳。

南海雜詩

石壁猩猩語。驚心百粵東。四時山葉綠。五夜海霞紅。日月搖溟渤。星河浸祝融。鷓鴣

飛不斷。只在荔枝叢。三語言地氣之暖四語言東土日出早也即海日生殘夜意

晚上越王臺。扶胥海色開。山連鰲闕近。朝射虎行迴。灑座荔枝雨。吹香椰子杯。崎嶇

未朝漢。割據亦雄哉。此弔尉他之霸

海雨花陰候。春泥屐響聲。鷓鬢替抹麗。紈扇過清明。瑤瑁湖通市。芭蕉綠上城。昌華

鼓舞院。銷盡美人情。此狀風物之明麗

南昌

吳楚中流勢未平。章江雄濶客心驚。芒寒牛斗雌雄氣。風偃魚龍日夜聲。黨錮人高

徐穉宅封侯事往灌嬰城。豫章樓閣猶堪賦。賓主東南異代情。

朝雲墓

散盡泥金蛺蝶裘。雲藍小袖劇憐君。傷心白鶴峰前路。一樹榕陰蓋古墳。  
一女子而死于萬里

之外亦可傷矣。一樹榕陰其人如在淺淺語。自有遠神。

吳

曝字元明。江南太倉人。康熙戊辰進士。官兵科給諫。有西齋集。西齋為梅村令。嗣工於詩筆。近體清穩。尤稱雅音。

和振西贈王將軍紫崖

九尺須眉七十身。眼中遺老更何人。將軍競病詩無敵。弟子丹青筆有神。談笑尚能開霹靂。太平不復畫麒麟。酒酣拔劍聽君語。為感窮途意自親。

玉殿風流講席重。故山歸去拂塵容。門生為致荒厨菜。禪客同尋舊院松。夢後莊周從笑鷄。書成揚子解嘲龍。歐陽筋力猶强健。不羨扶携手一筇。  
楊子解嘲中云。執螭而朝。龜龍去一。龜

字古人每如此用

著書不復為窮愁。獨樂園林散百憂。人乍拋殘塵海夢。天教管領太湖秋。槎形東第奇章石。釣具南江魯望舟。從此終身巢許穩。風光真擬洛濱遊。  
將軍能詩。復能著書。管領名園。借遊禪客。

比少陵所咏將軍不好武。稚子搥能文。尤得幽居之樂矣。太平盛事於詩中遇之。

題徐太僕遺像

金璫既國歎荆榛。只為須眉不計身。四海清流真直節。五朝舊德老遺民。獨先元禮。彈常侍共幸林宗。免黨人畫像吳中前事在。團溪好寫白紗巾。自注世傳吳中先賢畫像一卷。此初魏

奄而未破禍者惜未詳其名吳中先賢畫像條張蟾筆共三百餘人今時大半歸余家

題顧亭林遺集和汪安公編修

野哭東風學采薇。累臣白首尚單衣。江山有恨憂天醉。草木無情長地肥。避吏趙岐誰共語。離家王粲不思歸。祇餘帷蓋蘭臺舊。萬卷淒涼辨是非。

奉和座主東海公山居存一首

東觀西垣按部居。牙籤萬軸載牛車。集賢手筆詞頭重。元祐文章叢目初。白髮乞湖狂道士。青山思穎老尚書。閉門碧草閑秋色。獨把遺編恣獵漁。時健庵尚書欲致之重辟而聖祖許

其書局自隨保全舊臣者至也擬以賀監歐陽公不言君恩而君恩在言外矣得立言之體

贈張穉昭

相府蓮歌樂府春。清尊檀板話窮塵。誰傳天寶淒涼曲。柳市當年舊玉人。

花前月底奏新聲。夢斷昭華玉殿塵。記得雲間歌第一。貞元朝士已無人。此贈舊歌者與劉夢

得贈歌者何戡聽舊宮人穆氏唱歌二絕句一種風神

徐賓字虞門江南華亭人康熙戊辰進士官給事中

遊梁詩

雄都形勝古梁州。匹馬衝寒訪上遊。地控燕秦開閭域。天分南北鎖咽喉。平鋪白草千原曠。忽折黃河一線流。試上高臺還極目。城邊睥睨夕陽秋。

董思凝

字養齋山東平原人康熙戊辰進士官觀察使

擬古

楚人重菘菘椒蘭為荆杞。宋人寶燕石安知球琳美。真偽詎難分。奈何徒貴耳。觸熱趨炎盒。浮名取青紫。豈不羨時榮。願言敦素履。黽勉以為期。毋為識者鄙。

聽周紫海先生話海外三山之勝

塵世難向蓬萊遊。空懷三山縹緲之銀樓。年光彈指如飛雷。安能一室兀坐生煩憂。嬾雲先生負奇氣。青瞳綠髮仙人儔。與余素心授寶訣。人間何處無丹邱。更言曾廁仙人裏。天風颯颯雲霧起。左携東王公。右携赤松子。仙山迢迢高入雲。方壺員嶠氣氤氳。側身俯視小天地。鸞啼鳳噉空中聞。忽然駕岱輿。羽蓋斑麟車。琪花雜瑤草。六甲備行厨。於是振衣長嘯。躡足雲巔。滄海一掬。萬山如拳。白鶴翔兮凌厲。神龍下兮蟠旋。雙童醉舞兮婉轉。素女含笑兮翩躚。螺書羅篆人不識。赤文綠字誰與傳。我不知方丈之峰幾萬里。扶桑之木幾萬年。白眼悠悠誠下士。欲往從之道如咫。古來慧

業多能仙。何必丹砂與玉髓。秦皇漢武非仙才。鞭山驅石何為爾。詩成笑傲俯人寰。天驚石破開心顏。朱草紛披誰處折。白雲蒼莽何時還。識得人間何處無丹邱。則篇中所云俱作夢遊天姥觀可

矣詩境超逸亦欲青蓮

孫致彌 字愷似江南嘉定人康熙戊辰長進士官侍讀學士有秋左堂詩

### 江行雜詩

一舸淹晨夕。平沙艤落曛。江湖晴湧月。山火夜燒雲。黑想蛟涎出。腥愁虎氣聞。明朝

牽百丈。回首白鷗羣。錄白近岑補闕宋人便一直寫去

鷺鷥村下路。停策弔沉淪。大義存髭髮。高風緬補唇。明時甘浪迹。亂世得全身。搔首

嚴陵瀨。南陽有故人。髭髮補唇一聯過謝朝基方千宅也五六分承結到嚴陵釣台乃見宗主

城迫浮雲外。舟移亂石間。波光能奪月。灘勢欲驅山。過險心猶博。思鄉髻欲斑。君看

松頂鶴。雲興亦知還。

### 福州道中

指點三山近。輕雲護翠微。曉烟榕葉暗。春雨蔗田肥。野女修椽笠。溪人浣氎衣。啼鶉

苦竹裏。爭道不如歸。

### 秋感

遼海關門百二雄。長城萬里憶先公。儲胥自有風雲護。部曲空成帶礪功。一戰龍旂  
勞汗馬。廿年貝錦怨藏弓。不堪蔓艸祈連塚。况復銅駝恨未窮。自注先中丞贊達十載掌軍龍文大縣鼎

革四王及黃鎮南輩皆出麾下。郭令公部曲皆封公侯。李義山詠渾瑊詩有成陽原上英雄骨。半向君家養馬來。詩句中亦同生此感歎也已。

詠史次王玠石先生韻

南都歌舞動雲霄。回首燕臺王氣遙。燕領何年馳鐵馬。羊頭此日揔金貂。電旌小苑  
明秋月。錦纜長江泛暮潮。龍虎親軍三十萬。登壇空想霍嫖姚。此見四鎮不能周防而金貂皆歸銅與雖

長江天塹不能守也。下章兼選優伶言之。

六朝遺恨水潺潺。金殿繁華閉翠煙。但聽臨春歌玉樹。不聞清廟奏朱絃。銅駝泣露  
飛鳴鏑。鐵鎖沉江渡戰船。虎踞山前明月在。秋風怨絕李龜年。

同駿思大年訪華天御先生

蒲帆片片帶斜暉。路轉蒹葭興不違。白露為霜楓欲脫。澄江如練雁初飛。滄桑廿載  
衣冠在。猿鶴三軍事業非。回首悲笳驚日暮。新亭風景一沾衣。

感舊示魏禹平

寒燈無燄醉膏騰。獨對遺編感慨增。複壁人曾藏北海。墓門劍許挂延陵。全家大節  
存忠孝。三世深交厯廢興。郭隗臺荒荆棘裏。茫茫振觸恨難勝。自注魏忠節公破建子敬先生從行先中



丞獨匿之邨舍及忠節卒先公盡斥衣物佐其歸裝延陵許劔乃與子敬札中語也○忠節公父子忠孝中丞公才身仗義三世交情合并寫來遂覺生氣滿紙

### 至江寧再疊前韻

蔽日浮雲已暫開。先秋偏覺氣悲哉。燕歸知入誰家巷。鳳去愁看舊日臺。胥靡敢期通帝夢。檻車羞比霸齊才。炎敲苦憶涼颼好。憑仗悲笳及早催。此學士脫罪後重至金陵作也胥靡之夢

虛期檻車之微無望詞近退藏而用世之懷勃然言下矣後之遇合已兆於此已也

### 同介脩孟游集元夫園居即事抒懷

朱絃寥落賞音微。尊酒論心靜掩扉。遮莫文章供齒頰。底須愁病減腰圍。駛駛七日堪千里。丈鳥三年始一飛。醉拂吳鈞談轉劇。主人忘送客忘歸。

張尚瑗字弘蓮江南吳人康熙戊辰進士官翰林院庶吉士改江西興國縣知縣○損持太史詩風神未足沉着有餘猶書家之顏平原柳誠懸也生平

宗法昌黎故尤工古詩體稿止鑄遊閩粵作今全稿今散失矣深為惋惜○去官後箋疏諸經甚富已鑄者有三傳折諸

### 上灘

順流船似箭。逆流船似絆。衝陸地勢殊。牽輓程難算。江底清無泥。齒齒白石粲。船石相磨治。鞏確水初半。深者四五尺。淺或未及半。牽船蹋水行。挽衣不掩胛。膠淺恣難施。肩鼻雜呼喚。已前而復卻。欲迎或還杆。一灘抵數里。一里或數灘。灘灘行相續。侵曉到日肝。惶恐黯黯名熟聞。心已憚。豈識激紋江。驚湍爾許悍。長歌行路難。擊楫發

三歎。起二語謠諑已領一篇之意後形容上灘險艱不遺餘力令讀者目駭心悸灘亦音歎收十五翰中

九鯉湖

艱哉觀瀾亭。所歷皆懸度。過此鳥道絕。從遊慄相顧。途危景益佳。興發情無怖。身非鄴侯骨。暫作壁間步。強半地蟻曳。有時猿攫鷺。磴斷體欲縋。根蟠足稍駐。琮琤綠竹澗。爛漫琪玕樹。擘水石雙門。挂嶺玉三柱。卻望珠簾垂。銀潢屑煙霧。直下去無幾。遭迴勞予溯。湍駛何潺湲。褰裳不可渡。長嘯向白雲。茫茫蒼靄互。徑路斷絕緣壁而行地蟻同曳猿攫並鷺

服其真寫得出曩遊黃山蓮花溝百步雲梯曾親歷此境

謁韓文公廟

揔角誦公文。不啻編三絕。半世味公道。無能劍一吷。維公不朽姿。薄雲貫虹蜺。謗傷與誇衍。兩者均蠛蠓。氛氳一瓣香。萬古應同蕪。舉舉何末生。敢云景行切。潮陽謫宦區。偶然鴻爪雪。藉此滌炎厥。陬海濱斗杓。揭湖流漾清。派峰勢還飛。岳江山銜明德。臨眺心神徹。白雲飄梧楹。恍憶靈旗掣。公之行道只在倫常日用不特謗傷者可嗤即誇衍者亦見之未真也讀原道篇自得次章并

其弟子表之明其露冶鎔冶人才洵有功後學

史公識尊聖。世家表弟子。後雖未敢例。義在可竊比。濟濟伊洛徒。游揚復羅李。韓門數入室。若籍湜。服喜唐宋兩朝史。附傳共編記。匹夫百世師。坡言得之矣。配禹尚非

誇傳軻又何嘗。荒荒海水南。明珠孕天水。過化遂成材。廟食芳蘋芷。蚪枝侍郎木。檜楷同疑疑。

觀音巖

巨靈施崑刀。劈破青玉筍。千里掃江面。削平如概準。群岡互起伏。離立車連軫。獨此現瑤屏。截肪無粟疹。頂轟日黯黯。趾沉波泯泯。一綫裂石罅。虛中駕闌楯。香華鬘陀像。瀕洞棲谷牝。淒風颯然來。猱獮度必實。安得立三分。言從伯昏啓。王漁洋賦此題中云騎危躡虛空險絕緣鈎梯此云一綫裂石罅虛中駕闌楯可以互證想見左右石壁危闌駕壑此巖未易登也

彈子磯

競秀英州山。臨江多俯瞰。觀音與彈磯。巉絕奇尤占。劃然千仞壁。削出長天塹。鴻濛開闢時。鬼斧安施鑿。蚪柯縷絡之。蒙茸紛碧紺。乳竇小於拳。巖然不容顛。相傳廣明賦。彈落金丸陷。雄非天山矢。險異蜀門劍。但見灘流駛。湍急不可攬。懷古夫如何。寒風江湛湛。漁洋南來志云彈子磯懸崖千仞如洞如厂斧鑿錫鏡擬於風神詩中亦可互證廣明賦未詳

仙霞關

七閩路與中原通。恠事咄咄驚天公。岡連嶺複雲樹匿。飛鳥不度猿猴窮。微茫一線走絕壁。誰鑿溟洋開鴻濛。二十八盤尤斗絕。路難直似摩蒼穹。王公守國天設險。峭

函。轅。轅。自。古。崇。茲。豈。小。平。怯。百。二。偏。隅。冷。落。箚。篁。中。正。恐。五。丁。力。不。到。無。諸。徭。強。憑。  
 襪。祺。爾。來。文。物。盛。唐。宋。舟。車。衝。信。當。要。衝。地。形。蟠。曲。甃。磴。道。史。浩。於。此。開。榛。叢。宋。明。  
 王。孫。兩。遺。種。衰。衰。望。帝。蹄。鵲。紅。日。者。并。蛙。跳。澗。水。高。擁。黃。屋。彎。朱。弓。陰。平。夜。純。渠。帥。  
 縛。崑。崙。電。掃。巢。穴。空。雖。云。負。固。不。可。恃。車。箱。箭。名。益。隆。熱。行。五。步。一。回。首。僕。夫。告。  
 瘁。心。神。忡。殘。旗。折。戟。渺。何。許。故。壘。瓦。礫。餘。蒿。蓬。淙。淙。飛。泉。下。幽。壑。輒。衝。百。道。鳴。豐。震。  
 迴。谿。互。證。前。路。失。恍。惚。七。聖。迷。崆。峒。南。風。不。競。自。天。道。嗟。哉。監。子。時。無。雄。欲。呼。真。宰。  
 鏗。憂。嶂。永。俾。灌。莽。無。伏。戎。左。鼓。右。旗。列。几。案。挖。舟。舁。輪。從。西。東。懷。古。登。危。重。興。歎。溟。  
 茫。襟。袖。侵。霧。冱。仙霞關為閩越扼要界高二十里為級三百六十四二十二宋史浩所開闢也康熙中逆藩耿精忠謀越此闕制府李之芳以兵過之卒

以就擒中一段正指其事縱橫排鼻一氣蜿蜒得昌黎之氣骨

查

昇字仲章浙江海寧人康熙戊辰進士官至少詹事著有澹遠堂集宮詹書法得董文敏之神入直南書房時聖祖屢稱賞之

訪吳采山不值

秋水乘孤艇。沿緣亂葦間。時看黃葉落。境共白鷗閒。林影溪邊屋。鐘聲雲外山。故人今不見。月出棹歌還。

過浦口和清字

公路浦口浦水清。甘羅城外征人行。大河直下千萬里。哀雁差池三兩聲。南國浮雲

天際滿。異鄉秋草夢中生。側身四望渾無盡。新月江闌一片明。風格亦從杜出

陳夫樸菴招賞牡丹同人即席分賦得明字

金谷何如蜀錦城。放翁舊譜閱天彭。置身富貴何須早。到眼雲霞覺倍明。丁字簾前

圍蝶翅。午時晝裏驗貓睛。風流共憶清平調。合座春光醉玉罌。牡丹用富貴字最易

其雅死活之別也。○埤雅載人得畫牡丹與猫一幅莫辨精粗識者謂花枝多而色

爆此正午時花也。猫眼黑睛如線此正午時猫也。猫且暮目睛圓日午漸狹長正午

八里莊

井水膠汲水痕。炊煙三兩不成村。客嫌南語呼難應。門對西風火不温。白月荒途

深夜拆。黃沙野菜雜蔬盆。耳邊俄覺秋濤捲。卧聽鴛鴦駢草根。

陳大章字雨山湖廣黃岡人康熙戊辰進士著有玉照亭詩鈔。楚舊沾鍾諱餘君後又變為凌厲角多而性情隱矣作者矜平躁釋一味恬和可以

覘其所養

九江夜泊

解帆及夕陽。繫舟傍枯柳。天低九派流。浪抱孤城走。奇峯插斗南。雄勢壓江右。雲中

五老人見我時。招手靜夜冷。魚龍古戍沉。刁斗歌枕不成眠。且飲潯陽酒。舟中望見

五老招人如此用筆便覺靈活

甕山拜律耶文正公墓

林轉河陰長。遙峯祭可數。迤邐得甕山。嶽嵌若覆釜。劫火土一抔。英靈耿萬古。元祖昔龍興。戎馬日旁午。微公濟世心。斯人盡豺虎。荒祠香火微。斷碣聚魍魎。漠漠望秋雲。含情空激楚。律耶楚材遠之裔也。輔元祖有濟世功。予遊西山曾拜其墓。

王文成紀功碑

碑略云。正德己卯。宸濠叛。稱兵向闕。破南康九江。攻安慶。臣以列郡兵復南昌。宸濠擒餘黨悉定。天子聞變赫怒。親統六師臨討。遂俘以歸。未云。式昭皇靈。嘉靖我邦國。時庚辰正月也。明年嘉靖入繼大統。果符其讖。先是公將獻俘闕下。江彬等檄令縱之鄱湖。俟上親戰。而後奏凱。公不得已。間道入杭。以濠授張永。遁入九華山。隨補奏。序彬永等功上之。然公卒無賞。嘉靖初下其議。乃起為南京兵部尚書。封新建伯。

武皇巡遊不知疲。朝御豹房暮京西。羣狐跳梁嗥且舞。搖搖九鼎一髮危。宸濠釁鐘寘鐻起。盤結肘腋成窮竒。堂堂孫許仗節死。孫中丞燧許按察遠東南傾刻翻潢池。虔州中丞屹柱石。忠義憤發非人為。同時幕府盛才傑。太守伍戮那諸公力共豎天王旗。黃石磯前一再戰。掃除凶醜無孑遺。事不決自功再造。隻手半壁扶坤維。當時廟謀亦癡絕。露布

已上重誓師。天子自將佩將印。六軍雷動江淮涓。謗書何止盈一篋。當關虎豹皆孤  
 狸。深謀密達格神鬼。苦心退託隨髡。緇開先寺前七佛。碣旁有大字。鐫崔嵬。雅頌嚴  
 正揭日月。蝌蚪錯落拏蛟螭。改元兆識實天啟。酬庸錫爵開禧期。平原之書次山筆。  
 千載以後非公誰。昔從流傳看榻本。頃來石壁瞻豐碑。公之英烈傳萬古。求之翰墨  
 蓋已卑區區。群兒肆口舌。劍首一吐終何施。嗚呼。奇人奇功不世出。使我摩挲再拜  
 興嗟咨。真鑄安化王也。先宸濠反。楊一清仇鉞討平之。王守仁禽宸濠。只三十六  
 日。時安邊伯許泰太監張忠等皆受宸濠賄。恐守仁見上。舉其罪。轉言守仁  
 先與宸濠連。後乃變計。武宗知其忠不信。復言其必反。多方沮抑之。守仁先以  
 宸濠付張永。既乃入九華山。僧寺待罪。得免。詩中直陳始末。作傳讀之可也。

登小孤山

蜀江萬里浮鴻濛。洞庭勢挾彭蠡雄。小孤突起插天半。百川砥柱為之東。磴道虛無  
 動寒色。漁舟一葉傍絕壁。蛟置正畫吼風霾。決濟孤雲天地白。參差樓觀麗朝霞。繡  
 鑿珠箔顏如花。陰巖咫尺蓄雷雨。恠樹千歲盤龍蛇。吳楚雄關此第一。折戟沉沙莽  
 蕭瑟。憑闌決皆倚半酣。盡捲乾坤入詩筆。隔江清靄有彭郎。銀河帶水遙相望。舟師  
 招手聞絕叫。急趁南風過馬當。小姑嫁彭郎。東坡偶然戲筆。後人輒以此相  
 誣。殊可笑也。此出以端重之筆。能脫窠臼耳。

送胡卜子南歸

春光叫徹粟留青。贈別何堪折柳吟。空說高臺收駿骨。祇應敝帚享千金。五更風雨

窮交淚。驛路鶯花故國心。白堆岡頭荒園在。未妨述作老雲林。

陸

寅字冠周浙江錢塘人康熙戊辰進士。冠周高士鹿京之子鹿京出亡不歸冠周訪父幾遍于宇內終不得出憂畢生少歲即有豫章拔地之勢遭困厄詩品愈高刊文集時名未成也戊辰後詩無刊本故未得見

### 岐路行

出門竟何之。東西南北皆路岐。僕夫執轡馬躑躅。驪歌一聲聲最悲。道傍桃李似惜別。飛花故撲金屈厄。人生目前貴適意。不如還逐屠沽兒。兄袁盎弟灌夫。相逢自負高陽徒。樗蒲百萬能呼盧。朝金張暮許史。拔劍欲為知己死。眼前誰是嚴仲子。

### 宣德箭歌

丁巳夏。余客長安市。有鸞爬背麻姑爪者。視其桿。有宣德八年。餘千縣所貢竹箭字。後無所用。散落民門。改為爬背之具。余乃作歌。

長安城東鸞廢箭。故老歎噓萬人看。金簇敲殘鼓鑄鋒。鴉翎落盡丹黃變。棄擲風塵未嘗試。老桿分明宣德字。珍惜曾教武庫藏。標題尚識良工製。高皇昔日戎衣著。劍掃妖氛定雄畧。已見蒲梢入大宛。更聞嵩巒開印笮。茫茫九服初通貢。竹箭東南待強控。包茅常例豫章來。司空檄取官胥送。貽謀孫子但垂衣。夜夜黃星護紫微。三殿日高香不散。上林花暖燕羣飛。夕烽并罷平安火。服御深宮無一可。青甕燒出碧雞



成。薰。鑪。製。就。黃。金。裏。內。家。擊。獻。龍。顏。動。流。落。人。間。至。今。重。金。馬。銅。駝。修。已。非。石。弩。枯。  
矢。成。何。用。只。今。新。製。逾。工。巧。故。物。休。言。舊。時。好。猛。將。難。調。神。臂。弓。仙。人。且。待。麻。姑。爪。  
君。不。見。銀。泉。山。下。草。蕭。蕭。狐。兔。秋。原。正。寂。寥。仰。天。大。笑。羽。毛。落。一。箭。穿。雲。看。射。鵬。自。  
宣德後武備漸弛至正統而有上木之變矣從廢箭中發露此意點入宣室宣鑪不同開筆

秋日憶家大人粵遊

又見秋風動。蘆花江渚飛。忍看時序變。猶與老親違。遠信無他語。深情祇望歸。應憐  
揮手日。兒女共牽衣。真摯近杜

自笑

自笑桑弧志。天涯只布衣。到家翻是客。逆旅豈如歸。白日從愁盡。青山入夢非。緘書  
與僮僕。為掃釣魚磯。五六寫盡作客人心事青山入夢非即夢裏還家不當歸意此覺更簡

錢塘懷古

祠廟吳山草木凋。蘆中窮士舊吹簫。眼看吳市東門甲。怒捲錢塘八月潮。烏喙竟能  
亡敵國。魚腸應悔刺王僚。錦帆一片風流盡。白馬紅旗浪裏招。東門史記正義謂鮪門即鮪門後改封門

子胥云懸我目於東門之上以觀越寇之入也悔刺王僚見位傳僚之子孫越未必滅吳也前此無人道及

秋日雜感

翹首天涯那可憑。丹楓一望淚何凝。卻羞軛里逢嚴。遂曾否夷門。辱信陵。攬鏡未應頭似雪。埋憂不辨酒如澗。棹歌且逐中流去。蕩槳操舟我亦能。鍾聯見不遂知已意

沈名孫字嗣房浙江錢塘人康熙庚午舉人選做縣知縣未赴著有梵央集○漁洋香祖筆記中載門人沈嗣芳詩話三則本字嗣房筆記中應有幾首

題畫冊

蓬開獵獵風脚。舵曳瀟瀟浪痕。杜宇飛邊蜀道。哀猿啼處荆門。遠紅夕照千里。濃綠垂楊幾村。已到落帆亭下。客心還怕黄昏。六言律詩 偶備一格

去京師

望望南天雲樹迷。滄浪仍卧釣魚磯。誰言京洛縉塵滿。我獨還家是素衣。子咏白燕末一語云

京洛何妨共相宿素衣未必化為縵有同心也第縵房寫懷子則託興

惠周惕字元龍江南吳縣人康熙辛未進士由翰林院庶吉士改授密雲知縣著有研溪詩集○研溪先生受業於堯峯汪氏故詩格每兼唐宋然皆自出新意風神轉佳不似他人捫拾宋人字面以為能事也生平優於經學貫穿融決亦不第以詩家品目之

出門

饑寒逼腐儒。顛倒作奇想。長安遠於日。無故思一往。曾聞丈夫雄。咫尺視天壤。豈知適千里。三月費勞攘。為裝迫旦暮。無乃太鹵莽。蕭然一室中。何物是行帑。念此壯心擢。低徊轉悒快。出門心事為起手十字道盡能抱道守拙飢寒亦不能必也

浮雲翳清晨。孤帆雨初注。結束上高堂。迴避更千慮。苦心發懽顏。但道舟楫具。小兒不知愁。牽衣乞同去。不忍與明言。多方使之誤。送行雜親朋。刺刺語及暮。風急雨漸稠。篙師發微怒。即今何多談。明日誰與訴。

夜坐有懷

青天如澄江。片月初洗出。草光露離離。樹影風瑟瑟。寒更夜點疎。鷺羽孤飛疾。惆悵不成眠。懷人坐終夕。簡極高極

從赤城至國清寺

千山萬山渺何處。塔影層層國清路。斜陽林外送微風。布襪蕭然蹋雲去。寺外澄潭一鏡圓。連漪倒浸青蒼山。長松蜿蟺落潭底。白日疑有蛟龍眠。泉聲曲折引我入。菩提一樹高摩天。龐眉老僧可人意。為我掃石開禪闕。匏樽酌茗薦瓜果。野味足洗官庖羶。坐來庭徑轉岑寂。修竹杳篠聞清猿。北窓跂脚許高卧。水簟蔭借青琅玕。始知物外即幽曠。化城何必離人間。念昔平生俱道長。行驂劫劫無停鞭。三年席帽客京國。口識甘苦難為言。今歲崎嶇浙東道。水浮陸走行三千。自注自錢塘太末永嘉至台州將出紹興計三千里矣。人生如此竟何為。空使慘戚凋朱顏。誓從今日扶屨網。山深林密行盤桓。桃花流水跣足渡。鬼域半醉來參禪。但寫國清之幽曠易於平直得平生道長一段以佳日之艱辛觀目前之游行彌覺條然物外趣味無窮矣七

言古須於平直  
中尋出曲折

贈維揚顧書宣

維揚顧子文章雄。渡江問我清溪東。入門一見便驚絕。袖底詩卷光熊熊。造次手攬讀未遍。齒牙陡覺生清風。君言學詩二十載。前後正變差能窮。人生眉眼不自見。願以妍醜煩青銅。余時怵惕未敢荷。君才何健詞何恭。吾身貧賤困荆棘。竊弄筆墨吟三冬。一言落紙與俗忤。口排吻擊轟兒童。邇來讀書但自省。得失豈暇爭雞蟲。聞君議論復感發。如瞽得相行有筇。君才趨捷實倍我。何以屬我相磨礪。乃知賢者不自伐。虛襟苦抑由中充。從今尊酒托未契。女蘿裊裊緣長松。得聞君善我必勸。若遇我過須君攻。昌黎韓子昔有語。終始相合如駟蚤。君今別去正秋暮。得句幸寄南飛鴻。

眉眼不自見二語  
妙喻不減東坡

同諸君興聖寺看杏花

誰剪明霞散山曲。千枝萬枝紅簌簌。五家合隊麓人行。杜老普騰看不足。聊憑杯酒添春酣。烏帽軟斜尚可簪。客路心情似春雨。晚來和我夢江南。

必徵引杏花典實便是笨伯妙處正在離

即問也然得此解者甚難若竟以不切為能則又誤會其旨矣

再賦一首示端木及同游諸子

西。勾。之。西。花。為。國。暈。碧。裁。紅。闌。顏。色。杏。花。今。歲。開。獨。遲。不。共。棠。梨。作。寒。食。媽。然。一。笑。  
破。寺。中。恰。似。詩。人。在。遷。謫。嬉。春。寶。馬。空。當。當。盡。是。看。紅。不。看。白。看紅看白 遺。山。語。楊。郎。愛。惜。  
携。酒。過。花。欄。日。底。相。婆。娑。清。香。泥。人。著。裊。席。酒。鱗。瀉。影。搖。紅。波。花。如。有。情。解。留。客。到。  
手。莫。負。金。巨。羅。春。風。去。矣。綠。陰。合。明。日。花。老。君。如。何。正值改官縣尹時隨所感觸  
俱成妙語按其詩稿中知之

夏日寫懷

自。從。飛。到。人。寰。最。憶。城。南。香。水。灣。旅。舍。一。涼。來。好。雨。竹。牀。昨。夜。夢。青。山。藕。花。風。繞。  
湖。三。面。紅。豆。陰。輸。屋。半。間。更。有。西。鄰。垂。白。叟。來。言。玉。桂。待。同。攀。

重九潘長公恬庵昆仲招同魏蒼石飲太白樓分韻

天。圓。睥。睨。擁。南。樓。畫。稅。飛。甍。倪。濟。州。千。載。尚。餘。高。士。蹟。一。尊。今。續。酒。人。遊。碧。雲。淡。日。  
黃。花。節。紅。樹。西。風。白。鴈。秋。客。裏。放。懷。須。酌。酹。莫。教。棖。觸。故。鄉。愁。

傲裘和查夏重

一。番。淒。風。促。暮。砧。漫。傾。殘。筍。付。縫。絳。絲。紋。斷。續。難。容。綫。毛。理。稀。疎。不。受。鍼。猶。有。餘。溫。  
勝。短。褐。還。將。獨。夜。抵。重。衾。歲。寒。惟。爾。堪。相。倚。忍。為。豐。貂。易。素。心。一結見用意之厚待  
物待人俱如此矣推

而廣之詔求故  
朝亦是此意

再用衣字韻悼亡妾  
趙氏

清詩別裁集卷十七  
春時初嫁秋來病。九月東遊我未歸。獨擁寒衾。壓鐵線辛勤。還為寄冬衣。  
年來無夢到彤扉。卧聽三商玉漏稀。記得去春風雪夜。添香喚我著朝衣。

棹歌

秋光瑟瑟半江紅。花事闌珊到水荊。昨日芙蓉今日老。一年生怕鯉魚風。

